

Gobierno ta sconde e realidad!

Door di no revela e situacion real, Gobierno ta scondiendo e informacion real di pais Aruba. Un reaccion di un ex bankero na palabra awe.

Les a pagina 8



LOCAL

General Air a suspende 18 trahadonan



Pagina A2

LOCAL

Alerta pa criadero di dengue!



Pagina A4

LOCAL

Fin di siman carnavalesco



Pagina 30



FLIP FLOP  
Beach Party

FEATURING  
CRIS  
CAB

LIVE IN ARUBA



DJ BIG RIG  
UPGRADE MUSIC  
DATAPANIK  
NUTZBEATZ  
YOUTH XTREME  
2013 CHILL  
MODEL CONTEST

SUNDAY  
20.JAN.2013  
4PM TILL 12AM  
@SURFSIDE/ARENA  
FREE ENTRANCE  
BRING YOUR EMPTY JUG AND FILL IT UP WITH CHILL

Please, Chill responsibly



# Grupo di trahado di GenAir Services a ‘walk out’ na aeropuerto

**ORANJESTAD** – Un grupo di entre 18 pa 30 trahado di e compania di groundhandling na aeropuerto, General Air Services cu ta conoci como GenAir, a bandona pia di trabou diasabra.

Segun e version di e trahadonan nan splicacion na BON DIA ARUBA, niun luna nan ta cobra minimumloon, sino tin ora rond di AWG 900.00. Nan a sigui bisa cu a priminti nan cu nan salario lo aumenta, loke no a pasa.

Nan ta sinti cu semper ta coopera y cu trabao ta duro, pero cu e placa ta tiki. Segun e informacion e momento ey ora cu e walk out a sosode, e



E grupo di trahado di GenAir cu a walk out diasabra ultimo.

gerente no a sali bin topa nan tampoco.

Manera nan a ‘walk out’, ‘aparentemente’ tur cu a ‘walk

out’ a wordo retira di trabao. A puntra e trahadonan si nan ta afilia na un sindicato, riba cual nan a bisa cu nan no ta permiti pa haci esaki.

Algun di e trahadonan a bisa cu tin cu a bay Departamento di Labor, pero nada no a wordo haci pa nan. Segun nan, nan payslip no ta cuadra cu tur e oranan cu nan ta traha. Nan kier trabao di 8 ora ‘vast’ y no ta haya esey, siendo cu segun nan, esaki ta skirbi den nan contract.

E supervisor a splica cu ta net riba un diasabra druk, e trahadonan a haci e cos aki pone tur vuelo tranca. Segun un tra-

hado nan ta mas o menos 50 cual 30 a pone trabao abao e diasabra ey.

Sinembargo informacion cu BON DIA ARUBA tin ta cu ta 18 (lesa articulo adhunto cu entrevista cu e CEO di e compania). E supervisor a bisa cu lo a retira e trahadonan cu a walk out, y ta e ora e trahadonan a tende cu nan ta retira. E trahadonan a sigui bisa tambe cu manera nan a ‘walk out’, e gerente a manda kita nan ‘pass’ nan (algo cu e CEO a confirma tambe na BON DIA ARUBA: red). Segun e trahadonan awe nan lo mester papia cu Gerencia. □

*CEO di e compania Alejandro Muyale ta sigura cu accion no a afecta e operacion*

## A suspende e 18 trahadonan di General Air cu a tene walk out diasabra

**ORANJESTAD** – E walkout di un grupo di trahado diasabra di General Air Services na aeropuerto no a afecta e operacion, pero si a sorprende e gerente Alejandro Muyale totalmente. Y e consecuencia directo pa e grupo involvi ta cu nan tur a wordo suspendi te cu awe, ora cu nan tende nan destino final. “E la cay como sorpresa pasobra mi no tabatin ningun idea cu esaki lo a bay pasa” Muyale a sigura BON DIA ARUBA. E la tuma contacto mesora cu Dept di Recurso Humano di e compania, unda cu a tende aki tambe cu nan tabata sorprendi.

E motibo di sorpresa ta pasobra no tabatin ningun indicacion di un negociacion cu lo mester a pega, of cu tabatin expresion di cualkier disgusto laboral. Mes momento Muyale a sigura na BON DIA ARUBA cu e grupo aki no tabatin ningun permiso pa tene un welga, ni a notifica e gerencia cu lo nan tabatin un welga planea. Segun Muyale, mientras cu ta papia di mas di 30 trahado cu lo a bandona trabou, e ta raporta cu oficialmente ta un grupo di 18 persona a bandona trabou. For di e grupo aki, tin mayoria cu ta den nan periodo di prueba ainda. Algo tambe a sorprende Muyale hopi. Den e grupo aki tin muchanan cu ta traha den fin di siman so, y otro cu tin casi un aña trahando. “Mi a tende comentario cu nan no a

wordo paga, pero tur hende a wordo paga na tempo durante 2012. Y den januari di 2013 e fecha di paga ainda no a yega” Muyale a sigui bisa.

E hecho cu General Air Services tin un ekipo dedica y motiva y profesional segun Muyale, ta pone cu e efecto di diasabra tabata minimo. “Tin un grupo cu a cay aden y yuda, y como un team nos a resolve e problema.

No tabatin ningun efecto negativo. Porta un par di minuut di retraso, pero nada grandi” Muyale a bolbe sigura BON DIA ARUBA. E grupo total di empleado di General Air Services ta monta na 300 trahado pues e 18 trahado ta un grupo minimo cu a walk out segun e CEO.

Varios tabata e critica diasabra ultimo di parti di e grupo di 18 trahado cu tabata den ‘accion’. Entre nan a keha cu prome cu nan periodo di prueba, nan ta ni wordo paga minimum loon, mientras ora nan bira ‘vast’ mes, nan salario no ta cambia. Algo cu Muyale ta refuta. “Esey no ta corecto” Muyale ta sigura. “Esunnan cu ta drenta den nivel di minimum loon, ta haya netamente esey. Nos no ta bay bou di esey pasobra si nos ta haci esey, nos ta fout bezig y por wordo sanciona contra dje” Muyale a sigura BON DIA ARUBA. Tin diferente tipo di contrac-

to, for di full time, part time y tambe tur ta wordo cumpli cun’e. Segun Muyale, ora cu bo tempo di prueba pasa y depende e calidad di trabou cu bo a presta, bo ta wordo paga pe.

Un otro critica cu Muyale a refuta mesora, ta esun cu e trahadonan ta wordo trata manera catibo, esta cu ta laga nan trabou hopi duro den condicionnan malo. Algo cu sigur Muyale a keda sorprendi pe. “Wow!” ta e prome reaccion cu Muyale a duna BON DIA ARUBA riba e parti ey. E ta consciente cu esey por ta opinion di cierto persona den e grupo. “Catibo sigur cu no” Muyale a bisa. Tin un grupo cu a caba cumpli 30 y 40 aña recientemente pa cual a tene un recepcion grandi. E trabounan cu ta wordo haci, ta segun practica internacional cu ta wordo controla bou di supervision di aeropuerto. “Uzando e palabra di catibo, ta un exageracion cu porta a wordo uza pa purba haya atencion. Pero sigur esaki no tabata e caso” Muyale a bisa.

E trahadonan cu a tene e walk out, tur a wordo suspendi mesora, pendiente un reunion awe, unda cu lo dicidi kico ta pasa cu nan. Algun di nan lo no bolbe mas mientras cu otronan cu tin un tempo mas largo cu e compania, lo por haya un castigo diferente. Esey ta wordo determina awe. □

*Un total di 16 mm di awasero a cay diasabra y ta spera mas*

## Periodo di resake lo afecta nos costa west for di awe te diaranson

**ORANJESTAD** – Pa basta dia tin basta awasero ta cay na Aruba y esaki a cuminsa bira un molester pa hopi. Especialmente actividadnan di carnaval ta esunnan cu ta menasa semper di cay afo. Fuera di esey, tin cierto areanan di custumber cu ta haya problema ora cu awasero continuo cay.

E problema mas serio den

periodo largo di awasero ta, cu e tera ta bira satura cu awa, cu ta pone cu e no ta wanta mas awa. E problema cu esey ta causa, ta inundacion na cierto areanan di custumber, pero tambe areanan nobo.

Hopi parti di Aruba ta den pleno construcion, unda cu tin buraco necesario, cu lamentablemente ta yena cu awa y crea problema y tardansa.

Mientrastanto, relaciona cu tempo por bisa cu e chens pa awasero pasahero, lo sigui e dlanan aki. Diasabra a cay un total di 16 mm na Meteo y 10.2 mm na Hadicuri.

Lo tin resake cu periodo largo cu lo por influencia nos costa for ayera laat te cu diaranson proximo 16 di januari. Dor di tipo di resake aki, lama na e parti west di Aruba por bira

un tiki bruto de bes en cuando. E condicion aki lo por influencia principalmente Arashi/Malmok y e Low rise hotel area. Lama na costa noord lo ta bruto obviamente y por tin ‘rip current’ tambe.

Datos di eb/vloed (refluho/inundacion) ta lo siguiente: Riba 13 Jan e Vloed lo ta activo pa 12:41 Eb lo ta activo pa 22:46. Riba 14 Jan Vloed lo ta activo

pa 13:07, Eb lo ta activo pa 23:07. Riba 15 Jan, Vloed lo ta activo pa 13:30 Eb lo ta activo pa 23:16. Riba 16 Jan, Vloed lo ta activo pa 13:42 23 y Eb lo ta activo pa 23:22. Ta pidi usuarionan di lama pa tene nota di e situacion aki di deining, y uza cautela si ta necesario. Pa mas datos, acudi na Meteo su ‘marine forecast’ <http://www.meteo.aw/marine.php>. □



*Director di Elmar Robert Henriquez*

# Proyecto pa implementa meter di coriente pre-pago ta sigui

**ORANJESTAD** - Fin di aña Elmar a haci e preparacionnan necesario pa cuminsa implementa e proyecto di meter na pre-pago. Director di Elmar Robert Henriquez ta kere cu pa fin di januari ta cuminsa cu e implementacion.

## CUMINSA

Elmar a bin cu e consultant for di Africa pa e caba di wak henter e sistema pa asina tur cos ta cla pa e proyecto di meter pre-pago cuminsa. Internamente Elmar ta cla y tu hende ta entrena. E banner nan ta geset caba. Falta solamente un training chikito riba e parti aki y Elmar ta cla pa cuminsa cu e proyecto aki. Elmar tin algun cliente caba identifica y ta deliberando cu nan pa wak

nan interes y ta cuminsa pa cu e proyecto na januari. E sistema no tabata un sistema facil. E no ta solamente un meter, pero e ta mas cu un meter.

## SISTEMA

Mester cumpra un software cu ta traha den e central di Elmar y tambe mester entrena e personal. Na mes momento mester a delibera riba e tarifa cu ta bay cobra pa e meter nan pre-pago. Esaki tabata den discusion entre Elmar y gobiernan pa yega na un acuerdo. Elmar a tuma e decision cu nan ta bay aplica e mesun tarifa. Tambe mester a yega na acuerdo cu e personanan cu ta bay bende e tokennan pa e personanan cu kier cumpra carchi pa recarga e meternan.

## CANTIDAD DI METER

E intencion ta pa cuminsa cu un proyecto piloto di 300 meter, pa di e forma aki wak con comunidad ta reacciona. E interes t'ey y ta papiando cu e clientenan cu e servicio aki ta bay ta bon pa nan. Actualmente Elmar ta concentrando na Noord y San Nicolas, pero esey no ta kita afo cu Elmar por duna un cas cu no ta den e dos areanan aki.

Ya caba Elmar ta test e sistema den e dos barionan aki, pero e sistema no ta limita na e dos barionan aki. E intencion ta pa den futuro amplia e sistema y purba id duna mas tanto hende cu ta posibel e meter nan pre-pago nan aki. □



Sr. Robert Henriques

*Prome Minister Mike Eman: Gobierno di AVP a haya Aruba den un periodo di crisis*

# Ta importante pa sector publico tuma iniciativa pa duna empuhe na economia

**ORANJESTAD** – Ta importante pa Gobierno sigui tuma e iniciativa pa stimula economia. Prome Minister Mike Eman ta di pensamiento cu si tin mas inversion di Gobierno, sector priva tambe lo coopera na esaki. Esey ta nifica un mehoracion di e entrada pa caha di Gobierno, cu ta transforma su mes den un miho presupuesto pa pais Aruba

## EHECUCION

Mientrastanto cu e presupuesto 2013 no ta entrega, Gobierno ta ehecutando varios proyecto. E mandatario a indica cu e proyectonan cu ta ser anuncia ta den cuadro di e retonan financiero economico di Aruba. “Gobierno di AVP a haya Aruba den un periodo di crisis, p'esey ta importante pa sector publico tuma iniciativa pa duna empuhe na economia”, asina Prome Minister Mike Eman a expresa.

## INVERSION

E inversionnan cu Gobierno a bin ta haci tin resultado positivo den caha di Gobierno. Durante e ultimo dos añanan a ripara cu e entradanan di Gobierno ta creciendo, esey ta nifica cu e trabounan cu Gobierno ta realisando ta funciona. Pakico Gobierno

por realiza esaki aunke cu tin un crisis financiero den mundo y cu a afecta Aruba. Ta paso e forma con Gobierno a scoge pa financia e proyecto ta, cu si e proyecto ta costa 5 miyon, Gobierno no ta saca 5 miyon di biaha. A haci esaki den forma di PPP, caminda cu ta tuma 25 pa 30 aña pa paga e proyecto bek.

## ECONOMIA

E impacto economico di e proyecto den economia ta awe ora mester di dje. Esaki ta crea trabou y ta stimula economia di pais Aruba. E pagamento bek pa e proyecto ta tuma luga den un periodo di 25 aña, ora cu economia a recupera y Finanzas publico ta permiti pa paga bek.

Den un sentido e proyectonan aki ta cumpli cu e necesidadnan di e pais. Aruba mester di un Hospital nobo, miho facilidad pa scol, pa servicionan comunitario, pero na mes momento e proyectonan aki ta cumpli cu un inyeccion economico cu ta yuda Finanzas publico. Prome Minister Mike Eman no ta mira e inversionnan aki como un peso riba Finanzas publico, pero mas bien ta mir'e como un yudansa pa Finanzas publico di pais Aruba. □



Prome Minister Mike Eman



*Director di GKMB Roque Dirks*

## Criaderonan di dengue a reduci cu mas di mita pero mester sigui controla

ORANJESTAD – E aña cu a transcuri a mira un reduccion substancial den e cantidad di criadero nan di dengue cu tabata tin na Aruba. Director di GKMB Roque Dirks a indica cu na 2012 a registra 1500 criadero, c compara cu e 3 mil nan den 2011.

### PAHO

Areglonan di Pan American Health Organisation (PAHO) ta bisa cu na momento cu haya

mas cu 15 caso di dengue pa siman, ya bo ta cay den un situacion serio cu meter considera si e ta yega na norma di un epidemia. GKMB tin un comision cu ta e Dengue Outbreak Team (DOT) cu ta sinta hunto tur siman. Hunto ta evalua y considera e casonan y evalua e pasonan cu mester tuma. Semper ta pone cu tur componente ta na luga cu si bin un brote serio, cu e

departamentonan por actua rapidamente.

### INSECTICIDA

Un di e motibo pakico mester tin un stock grandi di insecticida, ta paso mester parti den tres parti. GKMB ta bezig cu sangura so y ta combati e larvanan. Pa e larvanan mester di un tipo di insecticida. Tambe pa e adultonan tin un oro insecticida caminda cu ta spuit un bario completo of



Ehempel di un criadero.

rond di cas. Tambe pa prevencion na momento cu mira tire of den posnan cu ta haya otro tipo di sangura, ta uza un otro tipo di insecticida.

### CAMBIA STRATEGIA

GKMB ta uzando diferente tipo di insecticida teniendo na cuenta e caso cu nan a haya. Awor aki a cuminsa cu un pildo nobo cu ta traha den dos fase. E ta los e insecticida den 60 seconde y e tin un otro capa cu durante dos luna largo e ta keda efectivo. Esaki ta e generacion nobo di insecticida cu ta uzando actualmente. Cada 6 luna of 8 luna ta cambia e tipo di insecticida cu ta uza. Mester haci esaki paso e san-

gura por crea un tipo di resistencia contra di e insecticida. GKMB semper ta controla y percursa pa e insecticidan cu nan ta uza ta na ordo.

### EXITO

E forma con ta midi e exito di e trabounan, ta dependiendo di e cantidad di casonan di criadero. Aña pasa tabata tin un total di 1500 caso, den aña 2011 tabata tin mas cu 3 mil caso, pues e strategianan di GKMB ta funcionando. E hecho cu ta controlando tur area y ta bishita cas y haci campananan preventivo, ta yuda na elimina e criadero nan di dengue y ta yuda reduci e casonan. □



Ehempel di un criadero.

*Director di GKMB Roque Dirks*

## GKMB ta pidi tur hende pa tene cuenta cu criadero nan di dengue

ORANJESTAD – Departamento di Gele Koorts Muskiten Bestrijding (GKMB) ta alerta pa cualkier situacion di dengue. Aunke awa a yobe hopi durante e ultimo dianan aki, GKMB a cuminsa controla for di december, asina Sr. Roque Dirks director di GKMB a bisa.

### CONTROL

Normalmente durante aña GKMB ta controla cas, como parti esencial den e proceso pa combati e sangura. Prome cu cuminsa controla cas di nobo, ta acudi na tur e casnan caminda cu GKMB a acumula dato. Ta trata di casnan cu a constata criadero y a duna nan advertencia den prome instante. Eseyan ta adresnan cu ta controla.

### CAMPAÑA

Director di GKMB a indica cu nan ta bay cuminsa cu un campaña den medianan di comunicacion, pa asina conscientisa e comunidad riba elimina criadero. Ta bay aumenta esey riba splicacion di loke ta considera kico ta criadero. Ta bon pa e comunidad tin un idea for di unda un criadero por sconde. For di un coy hunga di mucha cu awa por para aden, te na foam box di cuminda, tire, drumi di sushi y hasta caminda cu hende ta colecta awa.

### COLECTA AWA

Na varios cas ta haya drumnan di awa cu ta yen, pero esakinan ta sitionan caminda cu sanguranan di dengue por

crece. GKMB tin insecticida special diseña pa awa cu hendenan ta uza pa muha mata, laba paña of otro uzo. Si no ta uza e awa pa otro cosnan cu ta muha mata, por pone kerosin tambe den e bari nan pa evita cu sangura ta pone nan webonan den e awa limpi.

### EKIPO

GKMB tin diferente ekipo cu ta traha. Tin ekiponan pisa cu ta funciona na momento cu tin un brote grandi caminda cu henter Aruba ta infecta. Tur cuater mashin cu ta fumiga Aruba, i ta cla pa funciona tambe. Tin ekiponan tambe cu ta fumiga na man y ta ekiponan cu ta funcionando ainda, pero mester cambia e mashin nan aki. Tambe mester concentra riba e pomp



Un sangura di dengue riba cuero di un persona.

nan di man cu ta uza pa spuit rond di cas. Tambe ta vigila di cerca e cantidad di nivel di insecticida. E ekipo nan

ta na luga pa e departamento por cuminsa combati cualkier problema cu presenta cu e sangura di dengue. □





# FLIP FLOP *Beach Party*

FEATURING

**CRIS  
CAB**

LIVE IN ARUBA

**DJ BIG RIG  
UPGRADE MUSIC  
DATAPANIK  
NUTZBEATZ  
YOUTH XTREME**

**2013 CHILL  
MODEL CONTEST**

**SUNDAY  
20.JAN.2013  
4PM TILL 12AM  
@SURFSIDE ARENA  
FREE ENTRANCE**

BING YOUR EMPTY JUG AND FILL IT UP WITH CHILL

Please, Chill responsibly





*Parlamentario mr. Xiomara Ruiz-Maduro di fraccion di MEP*

## Fondo di APFA ta wordo uza pa renoba y amplia Hospital sin un plan di factibilidad

**ORANJESTAD** -- Durante e debate publico riba e renovacion y ampliacion di nos Hospital nos a pidi Gobierno pa laga nos tira un bista den e rapport di factibilidad pa asina nos por mira con Gobierno tin pensa di paga pa e proyecto aki.

Pero lamentablemente Gobierno por medio di Minister Sevinger a laga sa, cu e proyecto aki mescos cu esun di e tram den Oranjestad, ta un "must" y p'esey no mester traha ningun rapport di factibilidad.

Asina aki Parlamento a keda sin haya sa con e inversion miyonario di SOGA den cual entre otro APFA ta participa cu e fondonan di pensioen, lo

wordo paga bek door di Gobierno di Aruba. Kico lo pasa si APFA no por haya e fondo inverti bek?

Como cu Gobierno no tin e fondonan necesario pa por renoba y amplia nos Hospital, nan a acerca SOGA pa inverti 252 miyon florin pa asina haci e proyecto aki realidad. Pa e inversion aki SOGA lo haci uzo di entre otro fondonan di pensioen cu ta wordo maneha pa APFA cu e acuerdo cu Gobierno den un periodo di 29 aña lo paga e inversion aki bek hunto cu su interes. Na fin di dia Pueblo lo tin cu paga e suma di casi 1.000.000.000 (1 biyon) florin pa e proyecto aki.

Mirando e situacion financiero di nos Pais, nos mester puntra nos mes si Gobierno lo por cumpli cu e acuerdo aki. Mas aun mirando e problema di e fondo di pensioen di empleado publico cu ta wordo maneha pa APFA y cu awor via SOGA tambe ta yuda financia e proyecto aki, ta imposibel cu no tin un plan cu ta muestra con SOGA y APFA na su turno lo recupera e inversion miyonario aki den nos Hospital.

Un rapport di factibilidad lo a muestra nos kico ta e beneficio di haci e proyecto aki via financiamiento di SOGA y tambe lo a sa di pone riba un rij kico ta e risiconan pa e institucionnan cu ta participa



**Parlamentario mr. Xiomara Ruiz-Maduro di fraccion di MEP**

den e financiamiento aki. Hasta Controlaria General (Algemene Rekenkamer ARA) den nan carta na Parlamento di Aruba fecha 18 december 2012 a remarca cu nan ta haya masha straño cu Parlamento no a ricibi un plan di factibilidad ya cu instancianan manera SOGA y Aruba Investment Bank (AIB) mester por a traha un rapport di factibilidad pa un proyecto di tal magnitud. Pasobra mescos cu nos, ARA tambe ta puntra ki efecto e financiamiento di e proyecto aki lo tin riba e deficit di nos Pais y si cu otro palabra nos Pais por paga e debe

aki bek. Manera conoci e mayoria di Parlamento di Aruba wowo cera a bay di acuerdo cu e proyecto aki sin a worry pa mira un rapport di factibilidad pa un proyecto cu lo costa e Pueblo aki 1.000.000.000 florin na fin di dia.

Ta parce cu nan tin nan wowo cera tambe pa e problemanan cu tin cu e fondo di empleado publico cu ta wordo maneha pa APFA y sin pensa dos biha a laga e fondonan aki wordo inverti den Hospital sin sa kico lo pasa si Gobierno no por cumpli y si APFA no por haya e fondo inverti bek. □

### OPORTUNIDAD PA TRABAO

**Sasaki** 582-1818  
**Royal Plaza** 583-9969  
**Piedra Plat** 585-1818

## Nos mester di Personal M/F

1. Part-time Driver  
(mainta) Piedra Plat
2. Part-time Driver  
(anochi) Sasaki
3. Part-time Server
4. Part-time Cook

Por pasa busca un formulario na cualkier Pizza Hut

## DRAGON SPECIALS

**Titan**  
Tablet PC

Titan tablet  
Afl. 255.00

Galaxy S3

afl. 1325.00

Nexus NPB-250

afl. 115.00

Accessories for: HTC Sensation Xl, One X, Rhyme and Samsung S2, S3 and Note.

Also: Iphone 4, Samsung S3, Samsung Note, Blackberry torch, bold2, bold 3, 9790, curve 9380, curve 9220, 9320 and more.

Hp Laptop 15.6" 4Gb 320Gb Harddisk. Afl. 999.00

Hp Acer 10.1" 1Gb 320Gb afl. 610.00

Hp Ink cartridges, Universal laptop adapters etc.

iTunes gift cards \$ 10.00 and \$ 15.00 and Playstation Network cards.

Sales, repair and accessories for all blackberry models and other cellualars.

Unlock, reload, reset, upgrade, replace lcd, keypad, speaker etc.....

Dragon Cd & Electronics

Mainstreet San Nicolas tel. 584-3999 open 9:00 - 13:00 and 14:30 - 18:30 hrs.



### Gym

- Spinning
- Body Pump
- Zumba Plus
- Body Sculpt

## Aqua WINDIE'S

### Aqua Fitness

**1st LESSON FREE**

- Aqua Spinning
- Stretching / Toning
- Condition Swimming
- Senior / Rehab

[www.aquawindies.com](http://www.aquawindies.com)

**FAMILY OPERATED since 1984**

**Tel: 583-5669**

[www.aquawindies.com](http://www.aquawindies.com)

### SCUBA DIVING

- ½ Day Beginner Course
- 1 and 2 Tank Dives
- Certification Courses
- Private Snorkel Tours

**SMALL GROUPS!**

*Segun Sra. Audrey Lacle Presidente di MAMBO*

## Combinacion di klinker cu natuur stenen ta masha mal poni



Sra. Audrey Lacle Presidente di MAMBO



**Den combinacion di potretnan por mira e “natuur stenen” nan menciona dilanti di Penha**

**ORANJESTAD** – Comerciantenan den Caya Grandi ta contento desde cu esaki a inaugura. “E streetcar a sali, e matanan a wordo poni, luznan a wordo instala kiermen nan a visualisa e vision di con Caya grandi ta bay keda y pa December nos a mira hopi hende ta haci compras y tabata tin bastante benta,” segun Sra. Audrey Lacle Presidente di MAMBO (Association of Merchants for a Better Mainstreet) a bisa

**BON DIA ARUBA**  
E Presidente di e asocianacion ta remarca cu loke si ta preocupante ta e “natuur stenen” cu nan a pone dilanti di Penha. Comerciantenan kier un splicacion si esakinan ta bay wordo poni miho pasobra tin masha hopi espacio habri entre nan cu ta pone cu hendenan a cay. Lacle ta bisa cu e idea tabata pa haci un combinacion di e “natuur stenen” hunto cu e klinkernan pa trece un combi-

nacion di color pero ta remarca cu esakinan ta poni masha malo mes. Lacle ta bisa cu e pregunta di varios contratista local ta, si ta asina e contratista Venezolano ta entrega trabou? Comerciantenan ta desea di haya un splicacion tocante e situacion aki. □



**GANDELMAN**

*Is currently seeking candidates for the following position:*

### Assistant Maintenance Department (Handy Man)

- Carpentry and electrical skills
- Pleasant and professional attitude and appearance
- Good communication skills in English and Papiamentu, respectful
- Well organized, accurate, able to prioritize, flexible
- Confidential and trustworthy
- Team player

We offer a competitive salary, excellent benefits and a pleasant and dynamic work environment in a solid Company with excellent opportunities for growth. To apply please send your curriculum, including color picture to [careers@gandelman.net](mailto:careers@gandelman.net) or apply personally at Dr. Horacio E. Oduber Boulevard 6. All applications will be handled in the strictest of confidence.



*Parti 1**Ex Director di Banco Central Rob Henriquez na BON DIA ARUBA*

# Finanzas Publico di Aruba ta sin transparencia y responsabilisacion

**ORANJESTAD** – Gobierno ta informando cu e situacion financiero ta bon siendo cu e realidad ta diferente. E forma con Gobierno ta fiando placa ya pa decenian largo pa cubri su debenan continuo, ta irresponsabel. Uzando instancia manera APFA y otro, ta converti e instancianan aki den uno similar na e conocido piramidespel.

E prima ta wordo subi regularmente pa despues Gobierno saca e placa bek pa financia e gastonan di Gobierno. Contal cu pueblo contribui mas y mas, e Algemeen Pensioen obligatorio por ehemplo, y aumenta e primanan en general pa logra esaki.

Algo cu no por sigui asina segun Rob Henriquez ex director di Banco Central di Aruba, den su comentario na **BON DIA ARUBA**.

E ex director a toca un serie di topico cu e matutino aki, cu lo keda cubri den e dianan nos dilanti. Awe, un parti chikito riba e situacion financiero di Aruba y con Gobierno di Aruba ta informa cu tur cos ta bon.

## MIEDO

Segun Henriquez, fia placa cu ayudo di Hulanda tambe ta un practica cu Gobierno di Aruba ta haciendo, pero esaki ta yega dado momento na su fin. Problema segun Henriquez ta cu e Gobierno aki no kier tuma medida impopular. Como cu



nan tin miedo pa perde voto den un aña electoral, nan no kier y por bisa e pueblo e berdad duro, esta e 'inconvenient truth'.

Pa e Gobierno aki, prioridadnan (manera cu **BON DIA ARUBA** a trece caba den un editorial anterior) no ta existi mientras cu prioridadnan ta forma e basis riba cual un begroting/presupuesto ta wordo traha.

## MALINFORME

Segun Henriquez, Gobierno ta malinforma nos hendenan, pintando un "realidad" cu no ta existi. Y sigur den un aña

electoral, no por spera accion directo di e Gobierno aki, pasobra e ta un paso mortal pa nan. Pero mirando cu mester tuma accion toch, a dicidi di implementa un comision, cu lo tin cu bin cu recomendacionnan basta fuerte e aña aki, cu lo implica medida pa nos comunidad. Henriquez ta considera e idea di bin cu e comision aki como interesante, ya cu e recomendacionnan lo contradeci loke Gobierno ta trece dilanti cada bes.

## DIALOGO SOCIAL

E topico di finanzas publico mester a bin riba agenda di

Dialogo Social masha tempo, pero e idea aki a wordo rechasa.

Pues a rechasa e sugerencia aki y a uza e Dialogo Social pa bin cu otro medidanan cu si ta popular manera e.o. reduccion di awa y coriente y otro puntonan.

Nos debe ta uno astronomico cu tin Gobierno di Aruba den un 'pijnbank' real. Asina e interes riba debe estatal, e pagonan di bononan cu a caduca, y naturalmente e deficit mes tur e tres gastonan aki ta wordo paga door di cada bes fia mas placa. No por introduci mucho mas impuesto,

pasobra esaki e comunidad lo no por wanta, Gobierno mes a informa cu Aruba ya ta den e categorianan di belasting mas halto den mundo. Y no por reduci e suma di deficit den un solo biaha. Como tal mester bay calcula, segun Henriquez, e suma necesario cu cua por realmente baha e deficit poco poco, y ki medida mester tuma. Y esey ta bay bira un di e tareanan di e comision cu a keda instala.

## MEDIDA

E problema ta cu si bin cu medida, manera cu a bin cun'e na 1986, mester percura pa informa e pueblo kico ta pasando y pakico bo ta haciendo esaki. Esey a logra bon na 1986, ya cu e situacion tabata critico, pa cual a bin cu introduccion di un impuesto di crisis.

Ceramento di Lago a percura pa esey. Awe e situacion ta diferente. Y e hecho cu Gobierno no ta informando e comunidad cu transparencia i na un moda responsabel, es decir cu cifras, ta bay dificulta e situacion mas ainda. Tin demasiado debe, demasiado deficit y tur dos ta aumentando. E pueblo mester ta convenci cu esey ta e situacion real, pa nan por acepta cualkier medida, Henriquez ta sigui bisa. Sin esaki, dificilmente e Gobierno na mando ta bay logra implementa e medidanan, cual e comision lo bini dilanti cun'e den su rapport. □

# NEED CASH TODAY?

## PAWN OR SELL YOUR GOLD



### VISIT US & COMPARE FOR YOURSELF!



## JUWELENHUISJE

OPEN 10AM - 6PM MONDAY - FRIDAY



ORANJESTAD WERFSTRAAT 7 LOK. 12 TEL 588 4141 ☎ SAN NICOLAS B. V/D VEEN ZEPPENFELDSTRAAT 14 TEL 584 4141





## Chauffeur bao influencia ta keda deteni despues di a ocasiona accidente



E auto cu e cabayero tabata core BYD Blanco

**ORANJESTAD** -- Sasaki ta subi e crusada pabao di Super Food y ta dal riba un pickup cu tabata lastrando un trailer di waverunner. E impacto a pone cu e auto a

bay pega riba e yerba na canto di caminda y a haya hopi daño material. Mesora a pidi asistencia di Polis, mirando cu e chauffeur no tabata herida pero si tabata un poco agresivo y aparentemente bao influencia.

Tambe polis a haya un arma blanco den su poder cu a keda confisca. E chauffeur el a keda deteni. □



Polis hibando e chauffeur na e patruya di polis

## Polis ta confisca ATV di pareha y nan mester a pidi lift pa bay wak parada di blaas



**ORANJESTAD** -- Diadomingo atardi mientras hopi hende tabata bayendo direccion di San Nicolas, polis motorisa tabata para na altura di La Granja na Savaneta pa tene control riba e trafico cu tabata bayendo pariba. Un di e agentenan a para un ATV Blauw, riba e ATV aki tabata tin un pareha cu tabata bayendo San Nicolas pa mira e

parada di Blaas. Polis a dicidi di tira un control y a bin nota cu e ATV aki no tin ningun papel na ordo y ni un plachi number, e plachi number riba dje tabata pertenece na un otro ATV. Polis a confisca e ATV aki te ora e doño logra trece tur e documentonan valido di e ATV y tambe e pareha mester a pidi lift pa por a bay wak Parada di Blaas. □



Het Gemeenschappelijk Hof van Justitie van Aruba, Curaçao, St. Maarten en van Bonaire, St. Eustatius en Saba is belast met de rechtspraak in het gehele Caribische gedeelte van het Koninkrijk der Nederlanden.

Het Gemeenschappelijk Hof werkt als een verzelfstandigde organisatie ter verdere professionalisering en efficiëntie van de rechtspraak.

Voor het Gemeenschappelijk Hof, standplaats Aruba roepen wij kandidaten op voor de volgende functie:

### Administratief Medewerker

De administratief medewerker is belast met de administratieve voorbereiding, bewerking en verwerking van de terechtzittingen op alle rechtsgebieden.

#### De functie:

- Het inboeken van gegevens betreffende de rechtszaken;
- Het actueel, volledig en toegankelijk houden van de registers en dossiers;
- Het registreren en controleren van verzoeken, dagvaardingen, oproepingen op juistheid, volledigheid en rechtmatigheid;
- Het zorgdragen voor de correspondentiestukken tussen partijen betreffende de te behandelen zaak;
- Het verstrekken van informatie aan belanghebbenden;
- Het verrichten van juridisch ondersteunende werkzaamheden t.b.v. de griffiers en de rechters.

#### Wat wordt van U verwacht:

- Een MBO+ opleiding;
- Een HBO werk en denkniveau;
- Tenminste drie jaar werkervaring in een vergelijkbare functie;
- Goede beheersing van het Nederlands zowel mondeling als schriftelijk;
- Kennis van en ervaring met geautomatiseerde systemen;
- Goede contactuele vaardigheden;
- Juridisch administratieve kennis en ervaring op het gesteld niveau is een pre.

#### Arbeidsvoorwaarden:

- Secundaire arbeidsvoorwaarden conform het personeelsreglement 2010 van het Gemeenschappelijk Hof van Justitie;
- Een medische keuring en een antecedentenonderzoek maken deel uit van de sollicitatieprocedure.

Als u geïnteresseerd bent in deze functie, dan kunt u uw belangstelling kenbaar maken door uw sollicitatie met cv uiterlijk 28 januari 2013 in te dienen, ter attentie van dhr. A.A. Leonardo, Vestigingsmanager (wnd.) van het Gerecht in Eerste Aanleg van Aruba, te Wayaca 33-E. Voor nadere informatie kunt u contact opnemen met mw. E.P. Croes-Kelly, Medewerker Personeelszaken, telf.: +297-5822294.



**Brakes & Auto Parts**

WATERPUMP  
OVERHAUL  
WHEEL BEARINGS  
C.V. JOINT

**SERVICE CENTER**

BRAKE SYSTEM  
FULL SERVICE

SHOCKS REPLACEMENT  
TIMING BELT

OIL CHANGE  
CLUTCH KIT

CHASSIS PARTS  
MOTOR SUPPORT

**PARADERA 143, TEL: 5883410 / FAX: 5883411** **"OFFERING BEST CUSTOMER SERVICE"**

*Caminda muha ta pone cu*  
**Dama slip cu su auto y bolter riba e caminda di Morgenster**



Personal di ambulance hibando e dama den ambulance.

**ORANJESTAD** - Di asabra mainta pa mas o menos 5 or riba e caminda principal di Morgenster, un dama manehando un Chevrolet Spark, pa motibo di caminda muha, ta slip, perde control riba su auto y bolter. E dama a haya varios corta y rasca na cabes y ta keda levemente herida. Despues di a ser atendi na e sitio pa personal di ambulance e ta ser transporta cu ambulance pa hospital. □



Personal tratando e dama den e auto di polis



Polis a caba di saca e dama for di e auto y e saliendo for di e mondi.

**Cabayero ta perde control cu su auto y ta dal riba un palo di lus**



E auto a kibra e palo di luz y e wayanan a cay.



E chauffeur drentando den ambulance pa ser atendi pa personal di ambulance.

**OROCASH®**  
CUMpra Y Bende

**MESTER DI PLACA**  
NOS TA EMPEÑA Y CUMpra ORO, SILVER,  
AUTO Y APARATONAN ELECTRONICO

BO POR PAGA POCO POCO  
BIN Y PARTICIPA DEN GRAN RIFA DI FIN DI AÑA  
(UN SCOOTER)

**NOS TA CUMpra TUR SORTO DI ORO**

**8:00 AM a 10:00 PM Telf: 582.49.89** Av. Alo Tromp NR 2 Edif. Kini Kini Oranjestad, Aruba

**ORANJESTAD** - Diadomingo pa mas o menos 2 or di marduga ta sosode un accidente na Pos Chikito. Mesora ta pidi presencia di polis y ambulance. Na yegada ta bin compronde cu un hoben manehando un Altezza shinishi A 1535, bayendo direccion di San Nicolas pa un motibo of otro a perde control riba e stuur y a bay dal riba un palo di luz. Ambulance a presenta na e sitio y a trata e hoben. E palo di luz a kibra y e waya tabata colga, y Elmar despues lo mester bay na e sitio pa drecha esaki. □





# Dama gara cu pertenencianan di otro na Cafe 080 ta bira agresivo



E damita cu a keda deteni despues di tabata hortando pertenencia di otro.



Agente policial hincando e damita den e auto di polis pa asina transporte pa warda di Noord.



Agente policial lantando e damita cu boei bisti pa hib'e den auto di polis.

**ORANJESTAD** - Diasabra un poco despues di mey anochi, ta pidi presencia di polis cu urgencia na Cafe 080. Na yegada, patruya di Noord ta topa cu algun persona cu tin un damita wanta. Nan ta spli-ca polis cu nan a gara e damita aki hortando pertenencia nan di hendenan cu ta bishitando e establecimiento aki. E damita tabata basta agresivo y tabata kier a bringa cu tur hende. Te hasta cu ora agente policial a bay bisti'e e boei, e la cuminsa lanta cu nan y kier a bringa cu nan.

Mesora a pidi refuerso pa asina por a transporta e damita aki pa Warda di Noord. Ora e bin bij na su sano huicio, e lo mester bay duna cuenta di su mal comportacion.

**De stichting Opleidingen Financiële Sector organiseert, in samenwerking met Nederlandse Beroepsorganisatie van Accountants (NBA Opleidingen), op 7 en 8 februari 2013 een cursus Governance, Fraude & Ethiek, primair gericht op personen werkzaam bij financiële instellingen, accountants en andere professionals die in de financiële sector werkzaam zijn.**

Cursus:	Governance, Fraude & Ethiek
Date:	7 en 8 februari 2013
Tijd:	08:00 - 17:00 uur (lunch inclusief)
Docent:	Prof. dr. Bob Hoogenboom en Prof. dr. mr. Marcel Phelipier RA
Taal:	Nederlands
Locatie:	The Westin Resort Aruba
Prijs:	Afl. 1.750 per persoon
PE punten:	15
Doelgroep:	financiële sector, bestuurders, commissarissen, accountants en advocaten

Tijdens de cursus zullen onder meer de volgende onderwerpen aan bod komen:

- White Collar Crime
- Innocent Fraud en onderzichte financiële producten
- Regulatory Capture
- Corporate Governance (good practices, klachten, incidentmanagement)
- Verantwoordelijkheid en aansprakelijkheid
- Rol van de accountant bij fraude
- Ethiek in het bedrijfsleven

Voor eventuele vragen of meer informatie over deze cursus kunt u mailen naar [stichtingife@yahoo.com](mailto:stichtingife@yahoo.com) of bellen naar ons secretariaat via mobiele telefoonnummer + 297 694 25 22.



# Castigo condicional y multa pa homber cu a manda auto riba polis

ORANJESTAD — E homber Harold A. mester a presenta dilanti corte pa motibo di manda auto riba polis, buracheria, y resistencia contra polis. Pero aparentemente e no ta mira cu loke el a haci ta malo. E ta haya cu e tabata masha trankil y ta Polis a bay molesti'e. Como tal recientemente den Corte, Hues a hala su atencion cu ta Harold mester a sigui instruccion di Polis.

## ACUSACION

Oficialmente e acusacion di Fiscal contra Harold ta, cu riba 1 di Februari 2011 e tabata burachi riba caminda publico y no a sigui instruccion di Polis. Tambe e ta wordo acusa di a purba dal cu su auto dos agentenan di Polis y un otro persona. Tambe cu el a resisti contra su detencion. Den sala di Corte tabata presente e dos

agentenan di Polis y tambe e persona cu Harold a hera dal cu auto.

## MANDA AUTO RIBA POLIS

Hues a muestra cu segun e proces-verbaal di polis, dia 1 Februari 2011, polis a bay na un beach pa motibo cu tabatin un choller drumi y lo stroba turistanan cu tabata riba beach. E dos agentenan di polis a bay papia cu Harold y esaki a grita nan. E agentenan a pidi'e papelnan di e auto y Harold a subi den auto, start y reverse cu speed halto. E agentenan y un otro persona mester a bula un banda pa Harold no pasa riba nan. A purba kita yabi for di e auto, pero Harold a coy e yabi y hink'e den su jockey. Ora cu e agentenan a bay pa detene, el a cuminsa resisti y a surgi un luchamento. Na dado

momento a domin'e. Y door cu Harold tabata keha dolor, a pidi ambulance pa check e. E agentenan a muestra cu Harold tabata hole alcohol. Den Corte, Harold a bisa Hues cu con por ta posibel cu e tabata trankil riba beach y Polis ta bin riba dje y pidi'e pa papelnan di e auto. El a bisa cu el a hinca e auto den reverse y a stop di biaha. El a bisa cu si ta asina Polis ta trat'e, nunca mas e lo bay ta trankil cu Polis. El a bisa cu nan tabata 3 contra e so. Hues a puntra Harold di con e no a duna e agentenan e documentonan di e auto riba cual El a bisa Hues cu e tabata bou influencia. Harold a bisa cu e conoce e agentenan y no a haci nada. Hues a remarca cu Harold su obligacion tabata pa duna e documentonan di auto na polis. Segun Har-

old ningun hende tabata para tras di su auto y e ta haya cu e agentenan ta gaña. Hues a remarca cu anteriormente Harold a haci algo similar. E ta referi na e caso caminda el a maltrata su señora. Eynan tambe e tabata bou influencia di alcohol y ta rabia.

## EXIGENCIA DI FISCAL

Fiscal a bisa cu e ta haya legalmente proba cu riba 1 di Februari 2011, Harold a reverse auto riba e agentenan y El a bisa cu e Harold a admiti den Corte cu e tabata bou influencia di alcohol, y cu el a resisti contra su detencion. Fiscal a bisa cu polis tabatin derecho di actua. Fiscal a exige 1 luna di prizon condicional, cu un tempo di prueba di 2 aña. Ademas a pone como condicion special cu Harold mester traha 120 ora servicio

pa comunidad of lo mester bay 60 dia di prizon. Tambe el a exige 15 florin pa buracheria, 35 florin pa no a muestra documentonan di auto. En total 50 florin y si no paga esaki e lo mester bay 1 dia cera.

## SENTENCIA

Hues a cera tratamento di e caso y a dicta sentencia di biaha. Hues ta haya e acusacionnan contra Harold legalmente proba. E ta haya e exigencia di Fiscal na su luga, y a condena Harold na 1 luna di prizon condicional cu un tempo di prueba di 2 aña. Tambe Hues a ordena Harold pa haci 120 ora di servicio pa comunidad. Si e no cumpli cu esaki e lo mester bay cera pa 60 dia. Hues a ordena Harold tambe pa paga e multa di 50 florin, y si e no cumpli e lo mester bay 1 dia cera. □

## Chauffeur di Toyota Tercel a ocasiona hit & run

**ALTO VISTA**—Diasabra 01.24 Central ta manda polis pa un cas na Alto Vista, pa un hit and run.

Na yegada polis ta papia cu e muhe Z, kende ta bisa polis cu el a tende un brake duro y despues a tende un klap duro. El a mira pafu y a mira e chauffeur di e Toyota Tercel core bay. Ora cu el a bay controla su auto, el a mira lastro di verf licht blauw riba su auto.

Polis a nota tambe cu e auto tabatin tur dos luz dilanti kibra y e logo di e Toyota a keda atras. □

## Yiu no ta di acuerdo cu e relacion di su mama

**SAVANETA**—Diasabra 0220 Central ta manda polis na Savaneta na altura di un restaurant pa un problema entre pareha.

Na yegada e muhe G, ta bisa polis, cu e pareha di su mama, e homber R.D. a maltrata su mama.

E mama S.A. ta bisa polis cu e ta burachi y a cay y dor di esey a haya un bolobonchi na su frenta. G, no ta di acuerdo cu e relacion entre su mama cu tin 52 aña y R.D. cu tin 25.

Patruya a intermedia y S.A a bay Centro Medico cu su yiu muhe pa tratamento. R.D. tambe a bay for di e sitio. □

## Homber busca pa husticia ta entrega su mes

**SANTA CRUZ**—Diasabra 08.25, un homber a presenta na warda y ta bisa polis cu el a tende cu tin buskeda di su persona. Relaciona cu esey, tambe e ordo di detencion duna pa Fiscal Auxiliar, polisnan a detene e homber K.C.R. naci na Aruba di 23 aña.

E sospechoso a keda presenta dilanti Fiscal Auxiliar y despues a keda cera pa investigacion. □

## Hues ta haya cu e citacionnan no a keda entrega adecuado Acusacionnan di maltrato cu boter contra dos sospechoso declara no admisibel

**ORANJESTAD** — E hombernan J.C. y E.L. mester a presenta den Corte pa e caso penal cu Ministerio Publico a cuminsa contra nan. Ningun di dos a presenta pero nan abogado mr. Faarup si y tambe e victima J.G.

## ACUSACION

Fiscal a acusa J.C. y E.L. cu riba 8 di Mei 2011, nan a tira boter di cerbes riba e homber J.G. y herid'e. Fiscal ta considera esaki como maltrato cu arma. Hues a puntra abogado mr. Faarup si e sa di e sospechosonan y Mr. Faarup a bisa Hues cu e no tin number di telefon di J.C. y tampoco E.L.

## CITACION NO TA BON

Hues a bisa cu el a constata cu segun docu-

mento, a manda un carta di citacion pa J.C. pero no tin indicacion oficial cu esaki a keda entrega. Mesun cos a sosode cu E.L.

Hues ta haya cu no a yama J.C. y E.L. na e forma adecuado pa presenta den Corte. Esey ta trece cun'e cu Hues a declara e citacionnan no admisibel. E victima a wordo informa di e decision di Hues y awor ta en espera kico lo bay pasa.

Esaki no kiermen cu no tin caso penal mas contra e dos sospechosonan. Ministerio Publico tin e oportunidad di traha un otro citacion y bolbe manda yama nan pa presenta den Corte. E decision di Hues, no tin nada di haci cu e acusacion y e caso penal. Esey ta haci cu e chens ta grandi cu Fiscal lo manda citacion nobo pa persigui e duo aki. □

## Polis ta cera restaurantnan cu a pasa ora di ciere

**POS CHIKITO**—Diasabra 03.25, polisnan durante patruya ta constata cu J.&R restaurant ainda ta habri, siendo cu a pasa su ora di ciere.

Polis a papia cu e doño y a cera e luga. E restaurant Palmita Bar tambe tabata habri. Aki tambe polis a papia cu e doño riba e ora di ciere y a cera e restaurant. □

## Homber burachi ta maltrata su casa pisa

**TANKI LEENDERT**- Diasabra 22.16, central ta manda polis na un cas na Tanki Leendert, pa un homber cu ta maltrata su casa. Na e cas polis a mira cu den e cas tabata tur bruha. Tabatin diferente articulo riba vloer. E homber R.T. naci na Arua di 48 aña, a sali di e cas y a bay para na porta a topa e polisnan. E tabata hole sterki na alcohol y ta bisa polis pa dreña den e cas. Den e cas polis a mira un muhe ta yora den un otro camber. E ta bisa cu e ta casa cu e homber. Segun e muhe M.B. naci na Venezuela di 27 aña, su casa a bin cas burachi y a cuminsa un discusion. M.B a dicidi di bay for di cas. E homber a cuminsa saca su pañanan for di cashi. E homber a dal'e cu un palo di basora diferente biaha riba su brasa te ora cu el a kibra. E homber a tene e muhe na su cabey. Polis a detene e homber 22.30 pa maltrato y hib'e warda di Playa, na unda el a present'e dilanti Fiscal Auxiliar y despues a cer'e a warda di Santa Cruz. □



*Minister Jardim ta confirma:*

# Gabinete Schotte no a fia placa den su periodo

**WILLEMSTAD** - Gabinete Schotte en berdad no a fia placa den e mas o menos 2 aña cu e tabata na poder. E emision di bono cu a tuma luga den luna di october 2010, tabata resultado di palabracionnan cu tabatin caba den cuadro di dismantelacion di Antia y nacemento di Pais Corsou. Minister Jose Jardim, encarga cu e cartera di Finanzas a informa Parlamento cu no tabatin compromiso financiero nobo entre october 2010 pa final di 2012, manera informacionnan tabata indica. Parlamentario Alex Rosaria, lider di PAIS a denuncia den Parlamento e siman aki cu gobierno di ex Prome Minister Gerrit Schotte a compromete pais pa algun shen miyon florin, cu fianza cu el a haci den su periodo di gobernacion. El a puntra minister di Finanzas pa duna mas informacion al



**Minister Jose Jardim ta bisa cu Gabinete Schotte no a fia placa den su periodo.**

respecto. Ex Prome Minister Schotte a bisa den Parlamento cu el a bay laga un situacion sano atras. Tanto riba "Gewone Dienst" como riba "Kapitaaldienst" tabatin un saldo positivo dia gabinete Schotte a baha na september di 2012. Riba "Gewone Dienst" hasta tabatin un saldo positivo di 50 miyon florin, di acuerdo cu Schotte. El a agrega cu e debe



**Parlamentario Alex Rosaria, lider di PAIS a denuncia cu gobierno di ex Prome Minister Gerrit Schotte a haci fianza den su periodo di gobernacion.**

interno riba termino largo di pais a keda intacto. El a bisa cu e problemanan financiero di awe di Pais Corsou ta consecuencia di e hecho cu gobiernonan di turno no a atende problemanan fundamental manera e lei di pensioen y gasto halto di remedi. Loke si gabinete Schotte a haci ta paga e interes riba de-



**Ex Prome Minister Gerrit Schotte ta den polemica atrobe.**

benan anterior, e ex Prome Minister a agrega. Minister Jardim a muestra cu e maneho cu e gobierno nobo aki lo aplica ta sali for di e punto di bista cu no ta fia placa pa ki cu ta. E inversionnan cu gobierno ta menciona den e presupuesto 2013, ta destina pa proyectonan hopi importante. Un ehempel ta construcion di un hospital nobo, un proyecto cu ta pa- piando di dje pa algun tempo

caba y cu ta birando dia pa dia mas urgente. E proyecto aki ta bay sali mas di 100 miyon florin.

Reaccionando riba e pregunta/ponencia di parlamentario Alex Rosaria, Jardim a bisa cu prome cu e cambio estatal den cua Corsou a haya su status como Pais Autonomo den Reino y den cua a dismantela Antia. Tabatin, segun minister Jardim den e cuadro aki un acuerdo caba cu lo tin un emision di bono den 2010. Loke a pasa ta simplemente ehecutacion di un acuerdo ya existente, el a enfatisa.

Tanto partido MFK di Gerrit Schotte mes, como ex minister di Finanzas Jorge Jamaloodin tambe a rechasa e insinuacion cu gabinete Schotte o a haci su mes culpabel na fiamiento di placa, cu den cuadro di e convenio financiero di Hulanda lo no tuma luga. □

*El a entama caso contra estado Hulandes*

## Francesco Corallo ke pa rectifica su bon number

**WILLEMSTAD** - Francesco Corallo, homber cu ta biba na St. Maarten y cu ta ser sospecha cu e tin lasonan cu mafia Italiano, awor ta exigiendo di estado Hulandes pa e rectifica acusacionnan cu e lo tin laso cu mafia civilisando.

Corallo a entama un caso contra ministerio di Relacion Exterior y contra ministerio di Asuntonan Interior y Relacion den Reino cu e meta aki. E caso ta sirbi diaranson otro siman. Corallo a bin den noticia den forma negativo aña pasa, despues cu a resulta cu Prome Minister di e tempo ey Gerrit Schotte kier a nombre na un puesto halto.

E caso aki a hala hopi atencion e tempo ey y prensa a relata exitosamente riba dje.

E cos a bay dje leu ey, cu politicianan Hulandes a mete cun'e. Ronald van Raak, parlamentario pa partido SP a denuncia cu e tin un cantidad di carta confidencial di Ministerio di Asunto Interior di Italia, riba cua Schotte a manda su corespondencia completo pa prensa.

Schotte ta haya cu a acus'e inhustamente di tin lasonan cu mafia Italiano. Schotte a bisa cu el a purba di haya sa kico realmente ta pasando, esta si Corallo en berdad tin laso cu mafia Italiano en concesion cu un nombramento cu e tabatin pa Corallo.

Den e cuadro ey el a pidi Gobierno Italiano pa duna un declaracion di bon conducta di Corallo.

Gobierno di Italia a informa embahada Hulandes na Roma di 3 di augustus cu nan no tin ningun caso castigabel di Corallo registra, pero cu tog tin motibo pa no duna e declaracion di bon conducta. Segun diferente medio di prensa, Corallo ta ser menciona como un di e financiadonan di e campaña politico Gerrit Schotte y cu e ta ser busca pa criminalidad cu ta crusa frontera y actonan fraudulentu.

Di acuerdo cu Ronald van Raak e tempo ey, a base di e corespondencia cu e tin den su poder, Schotte no por bira minister nunca mas. Final di cuenta, Schotte no a presenta Corallo pa e puesto halto mas. Corallo, cu ta doño di casino entre otro na Sint. Maarten, ke pa estado Hulandes pone un rectificacion den e corant Hulandes De Telegraaf.

Corallo ta exigi pa den e rectificacion ey estado Hulandes tuma distancia cu Corallo lo tin caso cu gruponan di mafia na Italia.

## Tres sospechoso detene den operacion na Coral Specht

**WILLEMSTAD** - A detene tres persona den e operacion cu tabata na Coral Specht ayera. Polis a confirma cu den marduga, Polis a haci un entrada hudicial na un cas den Caya Lando y a detene e homber sospechoso, A.A.O., nace na Corsou, di 19 aña di edad, pa dos caso di ladronia cu violencia y violacion di Lei di Arma.

E prome caso a tuma luga dia 13 december 2012 alrededor di 10'or di mainta den Caya Tinashi na unda e sospechoso a ranca cadena for di un mucha homber di 16 aña di edad; E di dos caso ta dia 4 di januari 2013 den oranan di anochi den Amandelweg na unda a trata di atraca e homber cu ta tuma cen na e kantoor di number.

Siguiendo cu e investigacionnan, alrededor

di 5.15'or di marduga, Polis a bay na un otro cas den Caya Kitrin i aki a detene e homber sospechoso, M.U.H., nace na Corsou, di 24 aña di edad, en concesion cu un caso di ladronia cu violencia cu a tuma luga dia 11 october 2012 na un safe riba Caracasbaaiweg.

Durante di un investigacion den e cas polis a bin topa den camber di un ruman homber di e sospechoso, dos saco conteniendo 58 bala skerpi. A confisca e articulonan aki y a detene e hoben, E.A.W., nace na Corsou, di 18 aña di edad, pa violacion di Lei di Arma. A presenta tur tres sospechoso dilanti di un fiscal auxilia cu a ordena nan encarcamento pa mas investigacion. E investigacion den e casonan aki ta continua. □





*Siman pasa a aproba su credencialnan:*

## Armin Konket a completa fraccion PAR den Parlamento

**WILLEMSTAD** - Fraccion di PAR ta completo atrobe for di siman pasa diabierna.

E fraccion ta consisti di Zita Jesus-Leito, kende ta lider di fraccion, Omayra Leeftang y – for di ayera – tambe di Armin Konket. Parlamento di Corsou a bay di acuerdo cu e credencialnan di Armin Konket. Armin Konket dje forma aki legalmente ta reemplasa lider di e partido Emily de Jongh-Elhage, kende a anuncia su retiro, tanto como lider politico, como tambe miembro di Parlamento.

Elhage por cierto tabata lider di fraccion di PAR den Parlamento di Corsou. El a anuncia su retiro for di final dia na pasa, retiro cu a drenta na vigor 1 di januari ultimo. El a tuma su retiro debi na e derota aplastante cu e partido a sufri den eleccion di

19 di october aña pasa, den cua PAR a cay di 8 pa 4 asiento den Parlamento.

Armin Konket ta number 5 riba lista di e partido y como tal ta esun cu ta na turno pa drenta. Konket por cierto ta vice presidente tambe di e partido. Despues cu Glenn Sulvaran a distancia su mes di PAR y a anuncia un posesion independiente den Parlamento di Corsou, e fraccion a keda cu solamente 3 miembro.

Den e reunion di diabierna a instala mesora miembro di Comision Domestico di Parlamento.

Ta un comision interno basta importante, cu mester atende principalmente asuntonan cu ta toca Parlamento mes. Asina por ehempel e ta encarga cu revision di Reglamento di Orden.

Un asunto cu ta pendiente pa atende ta e asunto di cua emisora ta keda encarga cu transmision di e reunionnan di Parlamento.

T'asina cu ta Comision Domestico di Parlamento mester a trata e cartanan cu oferta cu emisoranan cu a inscribi a entrega pa tuma un decision, pero como cu no a instala e comision menciona, esey a keda pendiente.

E emisora Radio Fiesta FM, cu frecuencia 106.3 lo sigui cu transmision por lo pronto di e reunionnan cu caracter publico di Parlamento di Corsou. A pidi e emisora pa haci esey, pendiente un decision definitivo cua emisora lo haya e encargo aki di transmision di e reunionnan. □

*Pa Caribbean Tourism Organization:*

## Turismo den Caribe a sigui mehora

**WILLEMSTAD** – Industria di turismo den Caribe a sigui muestra señalnan di mehoracion durante di 2012, sostiene pa mercadonan Mericano y Canades.

Apesar di esaki e organisacion Caribense di turismo Caribbean Tourism Organization (CTO) ta bisa cu e region ta keda cu retonan grandi na Europa, particularmente na Gran Bretaña, for di cua e cantidad di turistanan ta sigui baha.

Secretario general di CTO Hugh Riley a bisa cu aña 2012 tabata tanto excitante como un reto pa industria di turismo Caribense.

El a sigui muestra cu e cifranan ta muestra un aumento di yegada general di 5% cu un bista bon cla di cu ta mercado Mericano cu ta e mercado principal pa e area, ta mehorando cu un aumento di hendenan cu ta yega e islanan di 5.3 porshento.

Segun Riley apesar di e retonan cu Caribe ta enfrenta, a pasa dor di 2012 cu cachete na laira y sin cu por a haci nada na nan situacion. ‘Hopi di nos miembronan tabatin exito regional y internacional hopi biaha uzando resultado di esaki na beneficio di sector di turismo.

E hefe di CTO a bisa cu mientras cu su organisacion ta preparando pa enfrenta 2013 nan ta mirando tambe con por bay traha mas cerca posibel cu nan miembro y partnernan.

‘Nos ta tuma nos responsabilidad masha na serio y lo uza cualke recurso posibel pa mehora calidad di bida di e hende Caribense via di turismo’, Riley a bisa. ‘Caribe mester tin na aña 2017 e posicion di ta e destinacion mas deseada pa su temperatura calor di henter aña’.

Republica Dominicano

Na e momento aki ta resulta cu ta Re-

publica Dominicano ta e destinacion mas bishita den Caribe. E isla ta beneficia di ta grandi, cu un diversidad geografico y cu ta ey tin e playa di mas largo di den Caribe cu sin mas ta contribui na su popularidad, y turismo ta hunga un papel masha importante den conopinan Caribense.

Sint Lucia tin un ingreso di mas cu 31 porshento di su producto interno bruto mientras cu turistanan cu a bay Bahamas y Antigua y Barbuda a contribui na ekivalente di 29% di nan producto interno bruto.

E tres paisnan aki den Caribe ta na top di e lista pa loke ta compartimento di consumo di bishitantenan den region segun a keda publica pa e Comision Economico pa Amerika Latino y Caribe (ECLAC) papiando di indicadonan macro economico pa turismo pa Amerika Latino y Caribe.

E relato ta bisa cu sector turistico ta

hunga un papel importante di mayoria di economia di e paisnan den region pa loke ta creamento di trabou y produccion i tambe pa loke ta generacion di divisa.

“E documento aki ta muestra importancia economico di e sector den un cierto pais y ta atende cu algun di e caracteristicanan di mas principal”, asina ECLAC ta bisa.

Pa Amerika Latino y Caribe entrada di pais via di turismo ta representa 1.8% di e productonan nacional bruto pero pa Caribe specialmente como sup region e ta 16.6 %.

Den paisnan di Amerika Central e ta un promedio di 5% (1980-2009), mientras cu pa paisnan den Sur Amerika manera e.o. Uruguay, e proporcion ta casi 4% durante di mesun temporada. Den mayoria pais di Caribe loke e bishitantenan ta gasta ta hopi importante segun e relato ta bisa. □

*Segun Gobernador Holiday di Sint Maarten*

## “Cuida Sint Maarten pa e ta mas robusto”

**PHILIPSBURG, Sint Maarten** – Gobernador di Sint Maarten Eugene Holiday a pidi residentenan di su isla pa nan sea cuidado di nan comunidad pa yega na un comunidad mas fuerte y mas robusto.

E representante di La Reina a haci e declaracion aki durante di su discurso di aña nobo diabierna ultimo. “Como cuidado di nos comunidad ta nos obligacion mayo pa cuida y construi un sociedad liber, sigur y husto, un sociedad den cua cada un di nos tin derecho y oportunidad na cuida di calidad, educacion di calidad y empleo di calidad.

Despues di a cera 2012 cu nos mira padilanti, e pregunta cu nos mester haci ta: Con nos ta plania pa cumpli cu nos papel di cuidado di vision di nos comunidad den 2013? E pregunta lo varia di persona pa persona, di famia pa famia y di organisacion pa organisacion.

Lo tin diferencia den manera di mira y den acercamento entre y den sectornan publico y priva’, asina gobernador Holiday a bisa.

El a sigui bisa cu tin hende cu ta kere cu ta nan plan y acercamento ta unico manera pa haci y esunnan cu tabata kere cu pa nan no tin niun papel, luga ni

oportunidad pa nan.

E gobernador a agrega cu tin hende cu lo continua na haci tur cos pa logra nan vision riba un base diario, mientras cu tin y lo tin esunnan cu no tin confiansa den nan habilidad como cuidado di Sint Maarten pa logra e vision.

“Kico cu bo contesta pa e plan aki ta, mi ke recordabo cu nos ta hunto den esaki y cu nos como resultado di esey mester reconoce, biba y actua segun e principio cu ta guia nos comunidad ya cu nos comunidad Sint Maarten ta mucho mas grandi cu cualke di nos cu ta su cuidado. E principio ey pa e motibo ey mester ta e punto di salida primario den tur nos accion y decisionnan.

Ta p’esey nos como cuidado di nos comunidad mester resolve pa no kibra otro, pero pa construi otro y asina ey halsa nos comunidad y haciendo esey saca man pa otro pa traha cu otro y pa yega na capacidad completo di potencial di nos comunidad anto haciendo esey logra na traha cu otro pa uza potencial; completo di nos reservanan humano limita di nos comunidad’, asina gobernador Holiday a sigui bisa.

‘Ta imperativo pa individuonan reforsa nan compro-

miso pa cuida nos medio ambiente.

Ta p’esey nos mester ta comete tambe pa confronta menasanan di pobreza, degradacion di nos medio ambiente y crimen pa sigura viabilidad di nos comunidad. El a bisa cu mester bini iniciativanan efectivo di tur hende, siendo cuidadonan publico i/of priva di nos comunidad.

Nos mester ta yama pa elimina pobreza, pa proteha y educa nos mucha y hobennan, mientras cu nos ta prepara nan pa ta adulto, pa amplia y profundisa nan cuida di salu, pa proteha y preserva nos medio ambiente natural y pa uni pa elimina crimen y corrupcion. Ta p’esey mi ta pidi y ta reta tur hende pa nan duna mas contenido na nan papel como cuidado di nos comunidad dor di expande bo papel como cuidado di nos comunidad y implementa programanan nobo pa soluciona e menasanan indica pa nos por tin un Sint Maarten mas feliz, mas salud y mas prospero.

Nos debe nos comunidad y nos mes esaki. Como gobernador lo mi sigui traha cu gobierno y otronan concerni pa promove logro di e vision aki na bienestar di pueblo di Sint Maarten”, asina gobernador di Sint Maarten Eugene Holiday a finalisa bisando. □



# Sostenedonan di Presidente Chavez teniendo manifestacion pa defende su presidencia

**Caracas, VENEZUELA** -- Miles di sostenedonan di Venezuela su Presidente ausente sufriendo di e malesa di cancer a tene un manifestacion ayera pa defende Hugo Chavez su presidencia cu un aliado superior alehando gruponan extremista y violento.

Oposicion ta bisa cu Gobierno su posponemento di Chavez su inauguracion cu mester a sosode diamars, no ta di acuerdo constitucion y ta demandando nan pa revela e berdad tocante e condicion di su salud.

Chavez mes a apunta Vice Presidente Nicolas Maduro y otro miembronan di Venezuela su circulo interior di gobernacion pa reuni diasabra anochi na Havana cu Raul Castro, lider Cubano, durante un bishita riba e isla unda e Presidente Venezolano ta hospitalisa.

Autoridadnan Venezolano a bisa cu Chavez ta bringando un infeccion respiratorio despues di a pasa den un ronde di 4 cirugia ariba 11 di

December ultimo den su area pelvica, cual a wordo dianostica dia 8 di Juni, 2011.

Chavez cu a wordo re-eligi dia 7 di October, no a presenta publicamente desde di su cirugia y e Gobierno Venezolano y Cubano ta nenga di duna detaye di su condicion. Si e no ta capaz di tuma cargo, e constitucion di Venezuela ta bisa cu eleccion nobo mester wordo yama dentro di 30 dia.

Esunnan acompaňando Maduro pa e reunion di diasabra anochi cu Raul Castro tabata Diosdado Cabello, Presidente di Venezuela su asamblea Nacional, como Procurador General Cilia Flores y Minister di Energia Rafael Ramirez. E Minister di Informacion a anuncia pa Maduro topa cu Chavez.

Durante un manifestacion masivo pro-Chavez siman pasa Maduro a avisa cu autoridadnan lo tuma accion legal contra lidernan eligi di oposicion cu cuestiona e autoridad di Gobierno. "Si bo no reconoce e Gobi-



Presidente Venezolano Hugo Chavez sufriendo di e malesa di cancer

erno legislativo di Presidente Chavez nos ta evaluando pa tuma accion legal," Maduro a bisa miles di sostenedonan cu a yena e cayanan di Caracas. □



Embahador Venezolano na Havana Cuba, Ramirez ta atende ceremonia di Santeria pa ora pa e recuperacion di Presidente Hugo Chavez (AP Photo)



Homber ta tene imagen di Presidente Hugo Chavez na Cathedral, na Havana, Cuba dia 12 di January 2013 (AP Photo/Ramon Espinosa)

**Win an...  
with KFC!**

**Win an iPad with the purchase of Afl 15.00 or more at any of our KFC branches. Until the end of this year we will raffle every month 2 Ipads!**

Just fill in your name ,ID and telephone number at the back of your receipt and place this in our raffle tickets boxes.

**KFC**  
so good

ORANJESTAD • STA. CRUZ • SAN NICOLAS



# Manifestantenan contra matrimonio di mesun sexo ta topa na Eiffel Tower



Masa di manifestantenan acercando e Eiffel Toren

**Paris, FRANCIA** – Cu bandera den man muchanan jong y miles di hendenan a topa na Eiffel Tower pa protesta contra e plan di e Presidente Frances pa legalisa matrimonio di mesun sexo y permiti parehanan di mesun sexo pa adopta y concebi yiu.

E manifestacion a inicia na 3 diferente punto rond di Paris, yenando e boulevardnan atraves di e ciudad segun manifestantenan ta cana 6 kilometer pa termina na Francia su monumento mas popular.

Polis di Paris a bisa cu e cantidad di manifestantenan tabata aproximadamente 340.000, haciendo esaki un di e manifestacionnan mas grandi desde un manifestacion pa educacion na aña 1984.

“E ley lo bay conduci na un cambio di civilacion cu nos no kier”, Philippe Javaloyes, un docente di literatura a bisa. “Nos no tin nada contra di diferente maneranan di biba, pero nos ta kere cu un mucha mester lanta cu un mama y un tata.”

Unionnan civil Frances, ta permiti desde aña 1999, y ta popular den parehanan heterosexual como esunnan di mesun sexo.

Pero e ley ey no ta permiti adopcion ni tampoco asistencia pa reproduccion, cu ta e topico di e debate aki.



Demostracion cu bandera ilustrando famia cu “mama y tata”

Si Parlamento Frances aproba e plan, Francia lo bira mundialmente e di 12 pais pa legalisa matrimonio di e mesun sexo y esun mas grandi pa loke ta trata influencia economico y diplomatico. □



Demostracion a inclui muchanan cu kier “mama y tata”

# Sentencia di ex-Presidente Egypto a wordo revoca y un huicio nobo a wordo ordena



**Cairo, EGYPTO** – Sentencia di bida largo di e ex-Presidente Egypto, Hosni Mubarak a wordo revoca ayera y un huicio nobo a wordo ordena contra e ex-Presidente pa no a evita morto di centenares di manifestante na aña 2011. Mubarak cu actualmente ta

deteni den un hospital militar, lo no wordo laga den libertad cu e decision di ayera. E ex-presidente di 84 aña di edad, aña pasa a wordo reporta di ta muriendo, pero su estado di salud actual no ta conoci. Un grupo chikito cu ta simpatisa Mubarak a lanta ta aplau-

di cu goso segun e sentencia a keda anuncia. Cu imagennan di ex-presidente den man nan a dal un grito bisando “biba husticia”. Otro grupo a uni pafo di e hospital caminda Mubarak ta teni den e districto di Cairo, partiendo mangel na hendenan canando na pia y tambe na automobilistanan. Corte no a duna un motibo pa su decision ainda, pero ta ser spera cu esaki lo wordo haci pronto.

Fecha pa e caso nobo no a wordo poni ainda. Mubarak su abogadoonan a argumenta cu e ex-Presidente no tabata na haltura di e matamento, ni tampoco a realisa e intensidad di e manifestacionnan.



Pero un mision specialisa den busca informacion recientemente a determina cu e ex-Presidente a wak e intensificacion di e manifestacionnan via canalnan di television for di su palacio. Den un huicio nobo, fiscal tin

derecho di presenta prueba nobo, manera e informacion nobo di e mision. Bou di ley Egypto, un acusado no por enfrenta un sentencia mas halto den huicio nobo, o sea, e ex-Mandatario lo no wordo sentencia na morto. □

## Golden Globes 2013

### Jennifer Lawrence, Christoph Waltz y Anne Hathaway ta gana awards

**Beverly Hills, MERCA** — Jennifer Lawrence a gana titulo di lead-actress di Golden Globe awards pa su actuacion den e pelicula “Silver Linings Playbook,” y premio di “supporting-acting” a bay pa Christoph Waltz “Django Unchained” y Anne Hathaway pa pelicula musical “Les Misérables.”

Ex-Presidente Bill Clinton a sorpresa audiencia cu su aparicion pa introduci Steven Spielberg su pelicula “Lincoln,” cu a categorisa pa “best drama”. E pelicula ta muestra Abraham Lincoln su ultimo lunanan segun e ta purba di caba cu e guerra y bin na un acuerdo den un congreso dividi pa pasa e

di 13 amienda, eliminando esclavitud. “Lincoln su esfuerzo a wordo forsa entre un escogencia entre compromete of mantene su principio,” Clinton a bisa.

“E pelicula aki ta muestra nos con el a haci’e y ta duna nos speransa cu nos por haci’e, un biaha mas.” □



Anne Hathaway cu su award pa di “best supporting actress” den e pelicula “Les Misérables” (Associated Press)



Jennifer Lawrence cu su award pa “best actress” den pelicula “Silver Linings Playbook” (Associated Press)



*Torneo Continental di Futbol:*

## Uruguay a complica e futuro di Brasil y Venezuela a vence Ecuador den Sudamericano Sub 20



Uruguay a impone 3-2 contra Brasil, dunando nan asina e delantera.

## Piloto Frances ta gana e di ocho etapa di Rally Dakar 2013



E Mericano Robby Gordon (Hummer), a keda na di tres lugha di e di ocho buelta di e Rally Dakar 2013.



E ganado di e di ocho etapa di e Rally Dakar 2013, Guerlain Chicherit.

**TUCUMAN, Argentina** – Guerlain Chicherit a gana e di ocho etapa di Dakar cu a tuma lugha entre Salta y Tucuman (Argentina). Unicamente cuatro piloto a logra completa e 183 kilometer di e etapa marca pa e dificultad riba tereno despues di awasero fuerte y subida di riu. E directivonan a dicidi di otorga e resto di pilotonan e tempo di e ultimo cuaternan cu a yega na e final, esun di e Frances Stephane Peterhansel (Mini), cu un tempo di 2 ora 07.21. Di e manera aki, e clasificacion general no a sufri ningun variacion riba e parti halto. E Quatari, Nasser Al-Attiyah

(Buggy), kende no a completa e etapa, a ricibi e mesun tempo cu Peterhansel. E etapa tabata tin un principio di 471 kilometer cronometra. E organisadonan a dicidi diabierna pa corta e parti inicial debi na e clima y a lag'e na 183 kilometer. E di dos clasificado tabata e Argentino Orlando Terranova (BMW) kende a yega na 4:02 di Chicherit. E Mericano Robby Gordon (Hummer) tabata na di tres lugha na 5:17 y Peterhansel como di cuater, na 12:15 minuut for di e ganado. Awe e rally lo reanuda cu un etapa entre Tucuman y Cordoba, Argentina. □

**SAN JUAN, Argentina** – Uruguay a impone 3-2 na Brasil, mientras cu Venezuela a derota 0-1 contra Ecuador riba e di dos fecha di e grupo B di Sudamericano Sub 20, den un dobel wega den e stadion Bicentenario di e ciudad Argentino di San Juan.

E seleccionado Brasileño, tricampeon vigente di e torneo continental aki y maximo ganado di torneo aki cu 11 konkista, a complica su aspiracionnan di accede e hexagonal final di e campeonato. Cu un empate 1-1 den e estreno cu Ecuador y a derota di esaki riba diasabra contra Uruguay, Brasil a totalisa un unidad den dos presentacion. Diego Laxalt, despues di cinco minuut; Diego Rolan, despues di 46 minuut di penalty y Nicolas Lopez, den e di 91 minuut, a marca pa e ekipo, mientras cu Fred den e di 71 y Marcos en e di 72 minuut, a logra e empate provisional pa Canarinha.

Uruguay a domina gran parti di e encuentro y a pone dos gol riba borchu apenas cum-



Venezuela a haci su debut ganando Ecuador, poniendonan na di dos lugha.

insando cu e di dos periodo, pero un rafaga di e conhunto Brasileño logra e empate. Sinembargo, durante e prome minuut di descuento, Diego Laxalt a genera un gran hugada personal cu a culmina cu e habilitacion pa Nicolas Lopez y e delantero di Roma, a bati e keeper Gustavo pa seya cu un triunfo Uruguayo. Di su banda, den e di dos turno, Venezuela a presenta den e torneo cu un victoria 0-1 contra Ecuador, cu a keda sorprendi den e wega inaugural

cu un empate 1-1 cu Brasil. Josef Martinez, cu un soberbio disparo for di 30 meter den e di 28 minuut, a marca e unico tanto di e encuentro cu a bal Venezuela un debut cu triunfo y a laga Ecuador cu un solo punto den dos encuentro disputa. Cumpli cu e di dos wega aki di grupo B, Uruguay ta e unico lider cu cuatro unidad, Venezuela ta sigui'e cu tres y continuacion, tanto Peru como Brasil y Ecuador a totalisa cu un punto. □

*Bin y celebra*  
**Carnaval!**

Cu e placa aki bo por participa y disfruta di nos dushi carnaval, tambe bo por haci uso di e oportunidad aki pa cumpli cu bo necesidadnan.

**No warda!**  
*Bishita nos y nos empleadonan lo ta mas cu contento pa sirbibo.*

J.G Emanstraat No. 96.... **523-4848**  
De La Sallestraat No. 65.... **583-4843**  
Rockefellerstraat No. 2.... **583-5556**

[www.islandfinancearuba.com](http://www.islandfinancearuba.com)

**island  
finance**

\*Suheto na aprobashon di credito.





**shaba**  
Car Accessories

**Tanki Flip #119**

**Tel: 587-8888**

**Aruba's best and largest collection of automotive accesories**

- \* Alloy wheels
- \* Led lights
- \* Diff. size of tires
- \* Seat Covers

- \* Sound and car stereos
- \* Steering wheels / Tires
- \* Stickers and logos
- \* Car accesories

*Nos ta vende tires y tur accesories pa auto.*

**Opening hours: Mon. thru Sat. 9:00am - 1:00pm & 2:30pm - 7:00pm**



## Barcelona ta gana y ta sigui invicto den liga Spaño



Leonel Messi tabata un di goleadonan cu a hiba  
FC Barcelona pa su victoria.

**MADRID, Spaña** – FC Barcelona a vence ayera Malaga den Rosaleda (1-3), caminda nan ta kibra e record di mas punto logra den e prome buelta di liga Spaño.

E ekipo a vence e conhunto Andaluz cu dos gol pa e Argentino Leonel Messi y uno di Thiago y a suma 18 triunfo den 19 partido.

Den e prome buelta completo, esunnan di Tito Vilanova a cede na un empate cu Real Madrid di Mourinho y den e ecuador di e liga a supera den 11 punto na Atletico di Madrid y den e diesocho Real Madrid cu diasabra no tabata por a pasa di un empate sin gol dilanti di Osasuna.

Esaki ta e resultadonan di e di 19 hornada di liga Spaño:


Atlético Madrid 2 -  
Real Zaragoza 0  
Málaga 1 - Barcelona 3  
Real Betis 2 - Levante 0  
Real Sociedad 1 -



Momento di victoria.

Deportivo de la Coruña 1  
Osasuna 0 - Real Madrid 0  
Espanyol 1 - Celta Vigo 0  
Real Valladolid 3 -

Real Mallorca 1  
Valencia 2 - Sevilla 0  
Athletic de Bilbao 1 -  
Rayo Vallecano 2. □



**Andy  
Murray,  
rebiba pa e  
Australian  
Open 2013**

Andy Murray ta cla pa e Australian Open 2013.

**MELBOURNE PARK, Australia** – Andy Murray ta insisti cu finalmente door di a gana su prome titulo di Grand Slam, no a kita su drive pa e bay den e Australian Open na Melbourne. E Ingles, kende a habri contra e Hulandes Robin Haase riba diamars a bisa “Mi ta rebiba, esey no ta un cuestion.”

“Mi no a bisa den ningun momento cu “mi ta hopi relaha”. Mi ta sinti mi mes

mas relaha cu mi tabata den simannan prome cu un Slam den pasado. Esey lo bay ta algo natural.” E Ingles number un Heather Watson lo bay hunga awe contra e Romana Alexandra Cadantu. Watson, riba e ranking number 47 na mundo, a recupera bon for di un lesion na su elleboog. E lo bay enfrenta Candantu, kende ta number 89, kende a gana solamente un biaha den luna di Mei di aña pasa, riba tereno

di klei.

E compatriota di Watson, Laura Robson, lo cuminsa cu su campaña contra di e Mericano Melanie Oudin diamars, mientras cu Jamie Baker lo hunta contra e Checo Lukas Rosol.

Speransa di un victoria Britanico pa fin di e siman lo keda firmemente cu Murray, sin embargo e ta spera cu su entrenamiento di invierno lo a surti un biaha mas. □

## Liga Premier: Chelsea ta riba e di tres posicion di futbol Ingles



Rafa Benitez, Director Tecnico di Chelsea.

**LONDON, Inglatera** – E ekipo Ingles Chelsea a impone 0-4 pa Stoke City, loke a permitinan pone nan mes riba e di tercer posicion den e liga Premier di futbol Ingles, danki na e empate 0-0 di Tottenham cu Queen's Park Rangers.

Diasabra tambe a empata Everton contra Swansea. Mientras tanto, West Brom a perde 3-2 contra Reading y Wigan a empata 1-1 den nan duelo cu Fulham.

Astin Villa a cay dilanti di Southampton 0-1 y Newcastle a keda 0-0 den su duelo contra Norwich.

Di nan banda, Sunderland a gana 3-0 contra West Ham riba nan propio tereno. □



*Campeonato lo cuminsa diahuebs awor den ora di anochi*

# Federacion di Ajedrez di Aruba cu su prome actividad pa aña 2013

**ORANJESTAD** - Diahuebs awor, lo start e promer actividad di ajedrez pa e aña aki. Esaki ta e campeonato di club pa aña 2013. E campeonato aki lo bay tuma lugar riba 7 diahuebs anochi. E prome rond ta start diahuebs awor dia 17 di Januari pa 8:00 di anochi mientras cu e ultimo rond ta programa pa tuma lugar dia 28 di Februari. Dia 7 di Maart, lo tin entregamento di premio na e ganadonan. Tur wega lo wordo hunga den e



Fotonan di archivo di competencianan recien.

club gebouw na Nieuwstraat 11, dilanti Botica Oduber na Playa.

E torneo aki lo wordo hunga

den un solo grupo. Pa e prome tres luganan lo tin un trofeo.

E prome 6 hungadonan lo haya punto di FAA. Duracion

di un wega lo ta 75 minuut pa banda + 30 seconde extra despues di cada hugada pues un wega por dura maximo entre 3 pa 4 ora. □

## Aruba Bowling Association ta organisa dia di Betico Kegel Challenge

**ORANJESTAD** - E aña aki bowling ta celebra Dia di Betico riba 24 di januari y 25 di januari.

E competencia di bowling pa celebra dia di Betico Kegel Challenge ta organisa pa Aruba Bowling Association (ARBAS) y Eagle Bowling Club.

E adultonan ta competi dia 24 di januari 2013 pa 8 or di anochi e competencia di double kegel challenge. Na unda mester hunga 4 wega cu 3 diferente condicion di azeta, pa participa mester forma un team di 2 hungador y e averahe maximo ta 380 y ta wordo scochi di yearly average di league di Eagle Bowling. Ta acepta maximo 24 team cu por ta forma pa 2 homber of 2 muhe of mixto. Manera semper e premiacion ta atractivo. Pa participa, por inscribi na counter di Eagle Bowling Palace, y tambe lo tin oportunidad tur dia pa train riba e condicionnan di azeta pa e competencia.

Y despues di competencia lo tin entrega di premio y tambe Eagle Bowling lo entrega premio di e campeonatonan cu a tuma lugar aña pasa mixed-league, men's y lady's league.

Y dia 25 di januari 2013 pa 2 or di atardi lo tin e competencia individual pa e division AA edad 6 pa 9 aña, A 10 pa 12 anja, B 13 pa 14 aña y C 15 pa 17 aña. ARBAS y EAGLET ta spera riba participacion di e bowlernan den e torneo di Kegel Oil Challenge. Pa mas informacion por acudi cerca Jeff y Glenda. □

# Thank You!



Meet  
Nancy Bolanos,  
a member of the  
Bucuti & Tara Beach  
Resorts family for  
14 years.

Nancy cooks a delicious breakfast for our guests and appreciates her Food & Beverage team. She believes everyone should appreciate what they have and work hard every day. By doing your best you make a good life for yourself.

Nancy is one of many associates at Bucuti & Tara Beach Resorts that make the boutique resort a special experience for its guests, and we wish to say thank you to Nancy.



**BUCUTI & TARA**  
BEACH RESORTS · ARUBA



Proudly serving our guests,  
our community and our  
environment for 25 years.



# S.V. Independiente Caravel Lifida a batisa nan uniform di futbol nobo



Momento di e bautiso di uniform di Caravel diabierna ultimo.

**ORANJESTAD** – Diabierna ultimo Caravel Lifida a batisa nan uniform nobo, pa e categorianan Baby y Lifida A. Un comision nobo a wordo instala pa asina aporta na e desaroyo di e muchanan den e bario di Angochi, Kadushi

Largo y bisindario. E rason di existencia di Caravel Lifida ta pa stimula deporte di futbol den bario, crea y ofrece oportunidad pa muchanan por hunga futbol a base di un bon structura segun normanan stipula pa KNVB y

den un area segura. E staf kier produci y forma propio hungadonan pa asina garantisar e continuidad y existencia di e club, crea e amor y orguyo bek pa e club.

Actualmente Caravel Lifida tin mas o menos 25 mucha (edad 5-11 aña) activo, 2 coach cu certificado di KNVB-pupillenkader, 2 categoria participando na e campeonato di Lifida 2012-2013. E meta principal ta pa siña muchanan hunga futbol a base di un structura pa asina por desaroya su mes y progresa den e deporte di futbol. E comision kier a gradici inmensamente tur sponsernan, en especialmente sr. Keldrick Koolman (main sponsor uniform), sr. Alex Hessels, sr. Rigo Croeze (Urataca Center) sr. Gerry Franca y sr. Jaime Maduro representando; Sub-



way, Office Systems, Playing it Forward, cu a coopera cu cierto materialnan cu lo yuda sigur, cu e plan cu tin, pa yega e metanan stipula. Un palabra di danki tambe ta bay na tur esunnan cu di un manera of otro a contribui y sigur tambe un danki na Divianne Koolman y Alexson Hessels cu a fungi como madrina y

padrino durante e bautismo. Mayornan cu ta interesa pa nan yiu(nan) hunga pa Caravel Lifida, por tuma contacto libremente cu sr. Rey Werleman (585-8750), sr. Hubert de Cuba (593-7301), sr. Herby Kock (593-7033), sra. Zhyda Henriquez (561-2731). E-mail: caravellifida@gmail.com. □

*A haci esaki den forma di diferente material*

## Subway y 'Playing it Forward' cu donacion na S.V. Independiente Caravel LIFIDA



**ORANJESTAD** - Durante e ultimo 4 añanan Subway hunto cu su partner Playing it Forward a haci varios donacion na diferente organisacionnan di deporte riba nos isla. Playing it Forward ta un organisacion na Boston cu ta colecta material di deporte di diferente universidad y schoolnan. Hopi material ta nobo ainda (of manera nobo). Antes tur esakinan tawata wordo benta afo despues di un semester, pero awo Playing it Forward ta colecta esakinan y ta parti nan pa 20 diferente pais na mundo. Subway ta traha hunto cu Playing it Forward

pa percura cu organisacionnan deportivo riba nos isla tambe por haya material. Hunto cu Cargo International y Bon Bini Cargo - cu ta zorg pa e transportacion di e ekipo - Subway y Playing it Forward ta sigui manda material pa clubnan deportivo.

E entrega di e materialnan na e Comision di Caravel Lifida a ser haci dor di Sr. Haime Maduro di Subway. Subway y Playing it forward ta desea Caravel Lifida exito den futuro y nan ta sigur cu e hungadonan lo haci bon uzo di e material ricibi. □

Momento di donacion di Subway na SV Independiente caravel

## Hubentud Tanki Leendert a batisa uniform di futbol



Ekipo di Buffalo di Hubentud Tanki Leendert.

Preparando pa batisa e uniform di Buffalo di Hubentud Tanki Leendert.



**ORANJESTAD** – Durante fin di siman, e ekipo di Hubentud Tanki Leender (Buffalo di Tanki Leendert) a batisa nan uniform nobo. E bario di Tanki Leendert tin un ekipo nobo di futbol pa muchanan den lifida baby, unda cu mayoria di e muchanan ta

yiunan di deportistanan. Jachi de Cuba, presidente di Buffalo di Tanki Leendert ta contento cu den e bario tin un team di futbol pa muchanan. Segun de Cuba, awo ta e muchanan turno pa hunga bala y hiba e deporte di futbol dilanti. E team ta consisti di mas

o menos 20 mucha. E coachnan ta Bryan Leest y Darrel Trimon. Sponsor ta den man di Andre Kelly di Charito Service. Buffalo di Tanki Leendert ta cla pa subi tereno pa hunga futbol. Un pabien na e ekipo di nobo den categoria baby. □



# Party Platters: un tremendo opcion pa temporada di carnaval



Party Platters ta un tremendo opcion pa e temporada aki y tambe uno saludabel.

**ORANJESTAD** - Pa e dushi temporada di Carnaval 59, Subway ta recorda publico carnavalesco di nan 'Party Platters'. Esaki ta un opcion hopi saludabel y ademas ideal pa asina bo no mester worry cu ningun preparacion ya cu Subway ta prepar'e pa bo. E 'Party Platters' di Subway ta inclui e siguiente opcionnan: wrap platter, sandwich plat-

ter y sin lubida e tremendo cookie platter. E platternan aki ta ideal no solamente pa e temporada aki di carnaval sino tambe pa diferente ocasion, ya sea fiesta na cas, reunion di trabao, treat coleganan, comparti cu bisiñanan, treat na school of gewoon un get together. Cualquier di e opcionnan aki lo ta algo cu lo simplifica

bo bida ya cu nan ta haci bo bida mas facil y bo lo por disfruta hopi mas di bo celebracion.

Pa haci bo pedido por haci esaki na cualquier di e 8 localidad di Subway rond di Aruba of na esun mas cercano. Subway ta ofrece e servicio di entrega cu un costo adicional. Como si fuera poco, pa e temporada aki di Carnaval 59, Subway ta bay tin un concurso pa asina bo tin e chens di gana un "Party Platter". Ta hopi facil pa participa. Post bo potret cu bo "Party Platter" riba Subway Aruba su Facebook page pa asina bo haya e oportunidad di par-



E cookie platters ta uno faborito di e muchanan.

ticipa den e tremendo campaña aki di Subway. Cada siman lo tin un ganado. E ganado aki lo wordo scogi for di esunnan cu post riba Facebook e potret mas original y creativo. E dura-

cion di e campaña aki lo finalisa te ora e temporada di carnaval termina. Subway ta desea henter comunidad di Aruba un dushi temporada di Carnaval. Subway, Eat Fresh! □



a leading tour & watersports company on Aruba offers a job opportunity for the following full time position:

## **SALES AGENT / SALES AGENT BEACH** (Full Time / Part Time)

### Requirements:

- Fluent in English and Spanish
- Minimum 1 year experience in sales
- Customer service oriented, friendly and polite
- Flexible working hours (shifts), including weekends & holidays
- Must be highly motivated and disciplined

### We offer:

- A pleasant work environment
- Attractive salary
- A great opportunity to develop your skills

Applicants must be Aruban or have a valid working permit.

Please apply with resume:  
in person at Pelican Main Office, J.E. Irausquin Blvd. 232,  
by fax 587-2315, or email to [pelicanadv.exec@setarnet.aw](mailto:pelicanadv.exec@setarnet.aw)



The Renaissance Curaçao Resort & Casino has the following job and career opportunity on short term:

## **Chef de Partie**

### Main responsibilities:

- Assists the Sous Chef in ensuring quality, consistency and production of areas of responsibility in kitchen.
- Exhibits culinary talents by personally performing tasks while leading the staff and managing all food related functions.
- Works with the team to improve guest and employee satisfaction while maintaining the operating budget.
- Must ensure sanitation and food standards are achieved.
- Develops and trains team to improve results.

### Requirements:

- 2-year degree from an accredited Culinary Educational Institute, or related major
- 2 years experience in the culinary, food and beverage, or related professional area
- Leadership and coaching skills
- Ability to train and develop
- Customer oriented
- Ability to work in a team
- Good command of languages (English, Spanish, Dutch and Papiamentu)

### We offer you:

- A challenging career opportunity in a premium resort and a dynamic company
- Excellent pay and secondary benefits in accordance with the relevance of the position
- The challenge to grow in a new and exciting organization

If you qualify for the position of Chef de Partie you are kindly invited to send your application letter together with your resume (with a pass photo and relevant diplomas) to the Department of Human Resources in the Rif Fort (third floor) **not later than January 21, 2013**

**Renaissance Curaçao Resort & Casino**  
Department of Human Resources  
The Rif Fort, Otrobanda  
Curaçao

or E-mail: [amartes@metacorp.an](mailto:amartes@metacorp.an)

For further information you are kindly requested to contact:  
Mr. A. Martes (599-9) 435-5028.







## Caribbean Palm Village Resort a haci un donacion

**ORANJESTAD** - E cas di anciano riba Pali-siaweg na San Nicolas a caba di ricibi un donacion generoso for di e empleadonan y cooperativo di miembronan di Caribbean Palm Village Resort.

E donacion a wordo presenta na ocasion di e resort su di 25 aniversario.

E placa a wordo recauda pa e miembronan di staff, kendenan cada un a duna Awg 10 for di nan macutu di Pasco, mientras cu e cooperativo di miembronan a duna e resto.

E habitantenan di e cas di anciano tabata sumamente agradecido pa ricibi un sistema portatil

di anuncio publico, cual nan por uza pa nan actividadnan, incluyendo un stand di microfon. E donacion monetario di Awg 1,000 lo wordo uza pa traha un cantidad di banki di palo, y pa e compra di un computer y keyboard segunda mano.

Caribbean Palm Village Resort ta un resort amabel di low rise den e bario di Noord, cerca di Palm Beach, cu 170 suite bunita decora di un y dos camber, situa entre hardinnan tropical luhoso. E resort ta ofreciendo e hospitalidad Arubiano autentico na su miembronan di time-share pa mas di un kwartaal di un siglo. □



Aki por mira e donacion cu a wordo ricibi pa algun habitante di e cas y enfermeranan Yvonne y Monique.

## Radisson Aruba Resort Casino & Spa inclui den e encuesta di Travel + Leisure 2013 World's Best Awards



**ORANJESTAD** – Fanaticonan y amigonan di e Radisson Aruba Resort Casino & Spa a nombra e resort pa bin na remarca di e encuesta di Travel + Leisure 2013 World's Best Awards.

“Nos ta deleita cu nos res

ort a wordo scogi pa participa den e encuesta di Travel + Leisure 2013 World's Best Awards, y nos ta encurashando nos huespednan pa subi on line y vota. Esnan cu ta haci nan voto lo wordo registra pa participa den un mega sorteo cu e chens di gana e biahe di nan soñonan balora na \$10,000, pa e destinacion di nan escogencia,” segun Director di Benta & Mercadeo Arianne Valentino, kende tabata riba e

isla e siman aki pa un reunion cu e resort su Gerente General nobo Mark Lyttleton Frances.

Varios di e hotelnan di Radisson, incluyendo e propiedad principal na Aruba, y e cadena su Radisson Blu Aqua Hotel na Chicago, incluyendo e Radisson Blu, Resort, Marina & Spa na St. Martin y otro hotelnan di Blu na otro partinan di mundo, tambe a keda inclui den e encuesta pa Travel + Leisure's World's Best Awards 2013. E siguiente ta un link pa e encuesta: <http://tlworldsbest.roiresearch.com/>. E ta habri te cu 1 di April, 2013. E ganadonan, selecta pa e lectoran, lo wordo anuncia den e revista su edicion di Augustus 2013. □

## Fundacion “Edad No Ta Conta” cu tayer pa mucha, hoben y adulto

**ORANJESTAD** - Manera priminti Fundacion Edad No Ta conta ta bay cuminsa cu su tayernan. Ta invita mucha, hoben, adulto y personanan di tercer edad pa acudi na e tayernan aki. E tayernan ta lo siguiente; encuentro social pa 55+ riba diamars y diahuebs mainta di 9 pa 12: obra di man, traha cos dushi, charla, movecion, etc. Riba dialuna merdia y diaranson merdia tin tayer pa mucha di 6 pa 12 aña di 3 pa 5 pm. Esaki ta “Descubri bo talento”. Riba e merdianan aki e muchanan lo siña traha diferente obra di man, pinta. Nan lo siña drama y musica, cuminsando 14 di januari 2013.

Dialuna anochi di 7 pa 9 pm: obra di man pa tur hende riba di 20 aña. Siña traha entre otro bela, traha popchi, pinta, scraping cuminsando 14 januari 2013. Diaranson y diabierna di 18:00 pa 20:00 curso pa hobennan di 12 -17 aña e.o. “Ken Mi Ta”, descubri bo talento y habilidad social. Ta cuminsa 4 di februari 2013. Diaranson anochi 20:00 pa 22:00 : curso pa mayornan e.o. “Mi yiu no ta haci esey” ta cuminsa 30 di januari 2013. Diamars anochi 19.00 pa 21.00: curso “Mi ta cu of ta bay baha cu pensioen. Kico awo??”, cu ta cuminsa 22 di januari 2013. Diahuebs anochi di 19.00 pa 21.00: curso di computer pa adulto di tercer edad, cu ta cuminsa 7 di februari 2013. Diabierna anochi: anochi di chill cuminsando 18 januari 2013. Dia-

20 Januari 2013.

Con a yega na e idea pa un Fundacion?

Na aña 2009 Fejite Zijlstra, psicosocial terapeuta, di Okido psycho sociaal centrum conhuntamente cu Biblioteca Nacional, a tuma e iniciativa pa cuminsa cu un curso, pa prepara personanan cu ta bay baha cu pension. E personanan cu a sigui e curso, tabatin e necesidad pa sigui como grupo y asina a continua. Na 2010 hobennan di Noord Youth Club, a organisa un actividad pa duna algo bek como muestra di gratitud na nos grandinan den comunidad. Di akinan, a lanta un comision “Edad no ta conta”, cu ta consisti di hende grandi y hobennan.

Den henter aña 2011, actividadnan pa nos grandinan y hobennan a sigui tuma luga regularmente den Club Don Bosco.

Dia 9 october 2012, comision “Edad no ta conta” a bira un fundacion. Dia 10 october 2012, den cuadro di dia internacional di hende grandi, a organisa un fiesta espectacular den RENAISSANCE CONVENTION CENTER. Colegio EPI seccion Salubridad y Servicio, opleiding verpleegkundige, a coopera pa haci e dia aki inolvidabel pa esunnan presente.

Grupo di Betico y Sr. Angel Guiron, gratuitamente, a deleita nos grandinan cu musica, mientras cu Sr. Juby Naar, tabata e presentado sublime di e mainta aki. Unoca, AAA y Meta Corporation a duna nan

contribucion cu a haci posibel cu “Edad no ta conta” por a duna un evento di tal magnitud asina.

Sr. Monte Horsford tabata e Guest-speaker di e mainta aki. Sr. Horsford ta presidente di Consejo di Grandinan” (ouderen- Raad) na Corsou.

Dia 1 November 2012 “Fundacion Edad no ta conta” a haya su propio localidad, caminda por continua cu actividadnan pa mayornan di tercer edad y hobennan. Apertura oficial a tuma luga dia 14 December 2012.

E Fundacion ta situa den bario di Noord, na Bubali 121, cas tipico Arubiano, di Famia Kelly.

“Fundacion Edad no ta conta”, su meta ta pa por tin mas integracion di adulto mayor y hobennan, di tur otro gruponan cu ta existi caba.

Kico tur por spera di “Fundacion Edad no ta conta” den aña 2013?

Guia pa nos grandinan, curso pa prepara pa baha cu pensioen, encuentro social durante ora di mainta, diferente tayernan pa tur edad, merdia creativo pa nos chikitonan y pa hobennan curso “Ken mi ta”, pa mayornan curso “Mi yiu no ta haci esey”.

Diabierna anochi y diadomingo merdia ta invita tur hende bin relaha, combersa y sinti bo na cas, caminda e edad no ta conta.

Fundacion Edad no ta conta tambe ta riba Facebook y su email-adres ta : [Edadnotaconta@hotmail.com](mailto:Edadnotaconta@hotmail.com) of cel 5936035 □



# Embahador di Korea cu bishita di cortesia cerca Minister Michelle Hooyboer-Winklaar



Un bunita regalo.

**ORANJESTAD** - No ta tur dia un embahador di un pais di oriente ta bishita Aruba y p'esey mes recientemente e embahador di Korea a wordo ricibi cu entusiasmo pa diferente minister na nos isla. Minister di Economia, Asuntonan Social y Cultura, Michelle Hooyboer-Winklaar a ricibi Embahador di Korea Key Cheol Lee na su oficina pa un bishita di cortesia. Durante e bishita cu a bay den un ambiente ameno e dos dignatarionan a intercambia informacion tocante varios teme, cu enfoca riba Economia. Embahador Key Cheol Lee ta staciona na Den Haag Hulanda pa Korea. □



Embahador Key Cheol Lee cu un regalito pa Minister Hooyboer-Winklaar.



Embahador di Korea sinta na mesa den despacho di Minister Hooyboer-Winklaar.

## Camacuri's Toy Run 2012 a recauda 60 regalito pa muchanan di Hospital, Casa Cuna y Imeldahof



**ORANJESTAD** - Camacuri H.D. Club a organisa november 25 2012, un Toy Run unda tur motociclista, Clubnan di 'Motorcycle' y miembronan di Prensa a keda invita pa recauda Regalito pa muchanan di algun instancianan. Pa motibo di yobida, e 'Ride' mes a cancela, pero e ambiente y e regalitonan a keda yega na Ziggy's Place. Mester gradici grandemente, tur esnan cu a contribui na mas o menos 60 regalitonan. Y asina e 'ELVES' nan di Camacuri HD Club a logra parti esakinan entre Hospital 'kin-

derafdeling', Casa Cuna y Imelda Hof. December 16 a haci entrega di mas o menos 14 regalitonan pa e muchanan na Hospital den e Kinderafdeling. December 20 a entrega mas di 30 regalito pa e chikitinnan di Casa Cuna. Y finalmente a entrega mas di 15 regalitonan na Imelda Hof, 22 di december 2012. Un danki di curason ta bay na tur BIKERNan cu a tuma tempo, den awasero of no, pa cumpra un regalito of trece un contribucion, pa por a logra e meta di haci algun chikitinnan contento.



Nos kier a gradici e boluntarionan cu a JOIN pa parti e regalitonan pa e instancianan. Camacuri HD Club ta SUPER contento, 'We had a blast with the children' y nos ta spera boso otro aña atrobe. "It's not how much we give but how much love we put into giving." – Mother Teresa Alabes Camacuri HD Club kier a desea tur BIKERS nan na Aruba SAFERide pa 2013. Riba e combinacion di foto por tira un bista di e "Elves" nan di Camacuri hunto cu Santa Claus. □





“Dios ta amor ..... y amor ta Dios,  
maske mi no ta na e mundo aki, tur dia lo mi ta banda  
Di boso Curazon, mi por stens di loke Señor ta hasi”  
Salmo 33

Cu honda pena pero conforme cu boluntad di Dios, nos ta  
anuncia fayecimento di:



**Eligia Mariana Lucas**  
mihor conoco como “Ligia of Lichi”  
\*03-08-1950 †09-01-2013

Na number di:

Tata di su yiunan: Glenn Albertus

Su yiunan stima : Garvin Albertus y Sra  
Marvin “Champ” Albertus  
y Sueann Kock

Su nieta stima: Marviann “Anntje” Albertus

Su mayornan : †Emerencio y †Maria Lucas

Su mama di kriansa: †Julita Martha

Rumanan : Siegrfried y Beatrix Eisdén y yiunan

(Korsou)

†Hubert (Jubi) Lucas (Korsou)

Vilma y Marcelino Martina Lucas

y yiunan (Korsou)

†Gladys Alberta (Korsou)

Mercedes (Chela) Lucas y Oswin

Boelijn (Korsou)

Annatilia (Annie) Leito Lucas (Korsou)

Edgar (Gachi) Lucas (Korsou)

Norbert (Nooi) Lucas y Idelienne Kirindongo

(Korsou)

Franklin (Frenk) Lucas y Jenny Schoop

(Korsou)

Ruthmila (Ruth) Lucas (Hulanda)

Ruman di kriansa: † Aquiles Martha

Swindo Martha y yiunan

Mane su ruman: Irene Dake, Judith Dake y Famia, Juli-  
anna Todd y

famia , Margarita Ignacia, Henny Adamus,

Alonso Tromp

Mane su yiunan : Aaron Rodriquez, Jurick Salomon,  
Jeancarlo

Espinal, Leroy Oduber

Tanta nan : Chila Lucas y famia, Angelina Girigorie y  
famia,

Maria Gosepha y famia

Madrina nan :Magdalena Schoop, Aura Schoop

Swa y cuñanan, subrina y subrinonan na Korsou, Aruba y  
Hulanda, prima y primunan, tur su bon bisiña nan y kono-  
sirnan, demas Ex Colega nan di Departamento di Labor

Demas Famianan: Lucas, Albertus, Martha, Martina,  
Alberta, Alberto, Leito, Valks, Quirindongo, Weert, Jan-  
sen, Todd, Adamus, Cijntje, Henriette, Hans, Welvaart,  
Eduarda , Clotilda , Dake,Schoop, Roojer, Girigorie,  
Reina, Eisdén, Sophia , Doran, Hooi, Comenencia,  
Kelly, Kock, Sebelon, Hansen, Balootje , Hoyer , Koei-  
man, Ignacia,Muzo, Meulens, Damon ,Passial, Paskel,  
Pinedo, Antonia, Lievendag, Plantijn,Osepa, Forbuis,  
Angela,Asjes ,Winklaar , Dolison,Fernandez,Rodriquez ,  
Salomon,Espinal, Oduber, Tromp

Nos ta pidi nos diskulpa si den nos tristesa nos por a lu-  
bida algun number di famia

Nos ta invita pa asisiti na e acto di entierro cual lo tuma  
lugar diamars 15 di Januari 2013 na Misa san Francisco  
na Playa pa 4’or di atardi, despues saliendo pa Santana  
Central na Sabana Basora. Restonan di nos defunto stima  
lo ta reposa for di 2’or di merdia den misa.

Adres pa condolencia: Aurora Funeral Home, dialuna 14  
di Januari 2013 di 7’or pa 9’or di anochi.

Enbez di flor of Krans tin un box disponibel pa un dona-  
cion pa koningin Wihelmina Kancer Fonds.



*Biba cada momento*

“ Señor ta mi wardador, mi n’ tin falta di nada;  
Den cunucu di yerba berde, E ta ponemi sosega.  
E ta hibami na awa tranquil, pa mi bolbe haña  
forsa. ”

Salmo 23:1,2,3

Cu inmenso tristeza na nos curazon, nos ta partici-  
pa fayecimento di:



**Elsa Pastora Inocencia**  
mihor conoci como: “Tola”  
9 augustus 1931 - 9 januari 2013

Na number di su:

yiunan: Yvonne Rincones y Janchi Croes

Astrid Rincones y famia

Albert “Chu” Rincones

y Viveca Solognier y famia

Noris Rincones y famia

nieta y nietonan:Elsely Rincones y famia

Joad y Viktorija Lopez na Spaña

Liza Lopez na Spaña

Albert Rincones y Oneilda Lampe y famia

Elsa y Franklin Richardson-Rincones

y famia

Jordano Rincones y famia

Michael Lioe-A-Tjam y famia

Brian Matos y famia

Jason Matos y Joseline Howell y famia

bisanietonan:Joelly Maduro, Nathan Maduro,

Cathrine Matos, Nova Matos

rumannan:Edna Inocencia y famia

Ingrid y Cesar Stede-Inocencia y famia

Milda Inocencia y famia

sobrinonan mas yega: Mayda y Carla Inocencia  
y demas sobrino y sobrinanan

cuñanan:Silvia Inocencia-Hernandis y famia

Emy Inocencia-Winterdaal y famia

famia: Inocencia, Rincones, Croes, Stede, Matos,  
Lopez, Giel, Peña, Bermudez, Solognier,  
Busquets, França, Boekhoudt, Tromp, Richardson,  
y demas famia na Corsou: Harms,

Maldonado, Trappenberg, Hurtado, Janga  
ta invita tur amigo, bisiña y conoci pa asisti na e  
acto di entierro cual ta tuma lugar diamars 15 Janu-  
ari 2013 pa 4’or di atardi saliendo for di the Olive  
Tree Funeral Home - Cumana pa santana central na  
Sabana Basora. E resto mortal lo ta reposa for di  
2’or di atardi na the Olive Tree Funeral Home, Av.  
E. J. “Watty” Vos 44, Cumana.

Adres pa condolencia: the Olive Tree Funeral  
Home, Cumana

Dialuna 14 januari 2013 di 7’or pa 9’or di anochi

Nos ta lamenta cu despues di entierro nos no por  
ricibi bishita di condolencia na cas.

Nos kier a pidi nos disculpa si nos por a lubida un  
of otro famia den nos tristeza.

Bernhardstraat 134-136 - San Nicolas - Tel 584 8888  
Avenida E.J. “Watty” Vos 44 - Oranjestad - Tel 5820000  
theolivetreefuneralhome@gmail.com  
www.theolivetreefuneralhome.com



*Biba cada momento*

Señor ta mi wardador, mi n’ tin falta di nada;  
Den cunucu di yerbe berde E ta pone mi sosega, E ta hiba mi  
na awa tranquil,  
pa mi bolbe haña forza. Salmo: 23: 1, 2, 3.

Cu profundo tristeza na nos curazon, pero agradecido pa  
tur locual e la nifica pa nos y conforme cu bolontad di Dios,  
nos ta participa fayecimento di nos querida Mama

**Anna Maria Boekhoudt-Croes**  
\*5 Februari 1917 † 11 Januari

**Su Esposo:**

**2013**

†Basilio Boekhoudt

**Su Yuinan:**

Betty y Alejandro (Janjo) Boekhoudt - Boekhoudt

Irma Boekhoudt

Chimina Y Nicolas (Jaty) Thijzen - Boekhoudt

†Aura y †Marcolino (George) Nicolaas - Boekhoudt

Lucia y Ronny Arends - Boekhoudt

Elka y Jose Rafael Lecler -Boekhoudt

Erna y Herbert ( Boei) Croes – Boekhoudt

**Su Nieta y Nietonan:**

Raymond y Jaidy Boekhoudt - Alfaro Luna

Dennis y Gina Thijzen - Jansen

Mariska y Michael Lin - Boekhoudt

Alvin y Jessica Boekhoudt - Kelly

Gilbert (Milton) y Amparo Thijzen - Alzate

Ricky y Jennifer Arends - Reyes

**Su Bisanietonan y Bisanietanan:**

Michella Lin, Jonathan Lin, Genisha Thijzen,

Alejandra Boekhoudt, Dylan Boekhoudt,

Jasmira Thijzen, Anton Thijzen,

Daniela Boekhoudt, Jeslenne Boekhoudt,

Jenny Bernal, Rihanna, Raiden

**Su Rumannan:**

Sra,Viuda Elizabeth (Eliza) Feliciana - Croes

Geronimo (Chomon) y Maria Croes - Ras

Profilio (Pief) y Ita Croes -Croes

**Su Swa y Cuñanan:**

Sra.Vda Petra Croes- Navas,

Sr.Pedro (Pedrito) Kelly

Sra.Vda Faustina Boekhoudt-Boekhoudt

Sra.Vda Theresita Boekhoudt-Rasmijn

Su Subrinonan y Subrinanan:

Sra. Vda. Filomena Dubero- Feliciana y famia

Robby Feliciana

Greta y Mirtho Nicolaas -Feliciana y famia

Freddy y Carina Feliciana y famia

Dika y Johnny Fingal -Feliciana y famia

Eric y Maria Feliciana y famia

Sra.Vda. Stella Feliciana y famia

Eddy y Maria Croes y famia

Frido y Lourdes Croes y famia

Rudy y Bernadeta Croes y famia

Roland y Carina Croes y famia

Haime y Rosalinda Croes ( na Hulanda)

Franco y Grace Croes y famia

Bernadetta y Henry Barrera-Croes y famia

Detta Kelly

Hubert Croes (na Hulanda)

Angeline y Guido Ardenne - Croes ( na Londres)

**Su bon Bisiñanan:**

Rosimbo y Anna Webb -Henriquez y famia

Jeanne Jongh Su bon Amistadnan:

Freddy y Betty Helder-Arends

Rolly y Roosleen Werleman-Croes

Ida Henriquez, Albertina Franken, Ellen Croes-Raven,

Erica Arends, Lucila Castaño, Ninita y Hendrika Boekhoudt,

Chita Thijzen,

Grupo di oracion di Blue Army

Demas famianan: Boekhoudt, Croes, Thijzen, Arends, Lecler,

Nicolaas, Lin, Alzate, Jansen, Kelly , Alfaro-Luna, Reyes,

Feliciana, Navas , Ras , Wouters, Tromp, Luidens, Dubero,

Barrera, Werleman, Robert ,Erasmus, Dirksz, Ruiz, Paskel,

Fingal, Lacle, Figaroa, Yarzagaray, Quant, Dijkhoff, , Jones,

Rasmijn , de Mey, Henriquez, Raven, Bernal, Franken

Ta invita tur su primanan y primonan, su ihanan, tur su bisi-  
ñanan y conocinan pa asisti na e acto di entierro, cual lo tuma

lugar 16 di Januari 2013, saliendo for di Iglesia Inmaculada

Concepcion na Santa Cruz y despues pa Santana Católico na

Santa Cruz , Restonan mortal lo ta reposa for di 2’or - 4’ordi

atardi den misa Imaculada concepcion na Santa Cruz y pa 4’or

lo tin un Santo Sacrificio di misa y despues pa Santana Católi-  
co na Santa Cruz.

Lo tin oportunidad pa condolencia diamars 15 Januari 2013

di 7 ‘or pa 9’ or,di anochi na Olive Tree Funeral Home Na

Cumana.

Nos ta lamenta cu depues di entierro nos no por ricibi bishita di

condolencia na cas.

Nos kier a pidi nos disculpa si nos a lubida un of otro famia

den nos tristesa.







“ Ey lo mi bay na altar di Dios, Dios, mi alegria y mi goso.  
Lo mi canta y toca harpa pa bo, O Dios, cu ta mi Dios. ”

Gradicido na Dios pa tur locual ela significa y haci pa nos, y despues di un lucha hopi cortico y sufriendo den silencio cu su enfermedad a bay sosega den brasa di Dios, nos mama, ruman, wela, bisawela, tanta y cuña

**Sra. Genoveva Wolff**  
**Cariñosamente yama: “Machi , Tanchi Veva”**

Na number di su:

Mayornan den felis memoria: + Joannes “Jan” y + Petra “Machi-Petra” Wolff-Henriquez

Yiunan: Nicolasita Wolff  
Glenda Wolff y Francis Dirks

Nietonan manera yiu:Francis Wolff  
Nelson Wolff y Itza Werleman

Rumanan: Claudio “Codocho” y Annie Wolff, Kelly y Famia

Vdo: Hose “Joy” y + Bertha Wolff, Tromp y Famia  
Juancito “Juanquito”y Ika Wolff, Kelly y Famia  
+ Filomena “Mena” y Frans Giel, Wolff y Famia  
Josef “Cheppy” y Betty Wolff, Figaroa y Famia  
Maria Wolff y Thomas Giel y Famia  
Thomas “Tommy” y Lourdes Wolff, Pontilius y Famia  
Pedro “Buchi” y Nuris Wolff, Hernandez y Famia

Ruman di Crianza:  
Juan “Juan Por” y Martina Henriquez, Kelly y Famia  
Florentino “Tin Tin” y Alejandra Giel, Pareja y Famia

Nieta y Nieto stima :  
Suline Castaneda Flores y Elvis Peterson  
Denny Castaneda Flores

Bisanietonan: Joshua y Gabriel Peterson

Omo y tantanan: Jose Henriquez y Famia  
Vicente Henriquez  
Nora y Chin Tromp y famia

Tur su sobrino y sobrinanan, comer y compernan, ihanan, primo y primanan mucho pa menciona.

Amigo y Amiganan stima:  
Marcia Chon-A-Loi y famia Flores  
Mary Nicolaas y Famia  
Sofia Maduro y Famia  
Sonia y Verner Bakmeyer y Famia  
Hugo Simmons y Famia  
Ilza y Eugene Leañez y Famia  
Martin y Juliana Henriquez y Famia  
Oscar y Aleida Tromp y Famia

Ex coleganan di Holiday Inn Hotel y Westin Casino.

Bisiñanan: Beatriz Pontilius y Rufo Henriquez y Famia  
Marina Henriquez y Famia

Demas famia: Wolff, Henriquez, Dirks, Castaneda Flores, Peterson, Giel, Kelly, Tromp, Figaroa, Pontilius, Hernandez, Pareja, Henriquez na Venezuela y Hulanda, Black na Merca, Jacobs, Christiaans, Koolman, Reyes, Cristobal, Semeleer

Ta invita tur amigo, bisiña, famia y conocinan pa asisti na acto di entierro cual ta tuma lugar Diaranson 16 di Januari 2013 na Misa Santa Ana na Noord for di 2’or pa 3:45 di atardi tin oportunidad pa condoleer y despidi di nos defunto stima, sigui pa un respons. Saliendo pa 4:30 pa Santana Catolico na Noord.

Adres pa condolencia: the Olive Tree Funeral Home - Cumana Diamars 15 di Januari 2013 di 7’or pa 9’or anochi.

Na lugar di flor of krans un donacion pa Koningin Wilhelmina Kankerfonds lo ta altamente aprecia. Lo tin un box disponibel den misa pa e bunita gesto aki.

Nos disculpa si den nos tristesa nos por a lubida algun famia of conoci.

Nos ta lamenta cu despues di acto di despedida nos no por ricibi bishita di condolencia na cas.



El dolor que dejas atras es inmenso, las lagrimas en abundancia, Pero siempre reinara y quedara por siempre en nuestros corazones el Amor

Que nunca dejastes de darnos ni en los últimos momentos de tu vida Descanza en Paz, que alla, te espera nuestro Señor con los brazos abiertos

Cu honda pena y conforme cu voluntad di Dios, nos ta anunciar cu a fayece cristianamente



**Editha Virginia Arambatzis Perez Martha**  
**21 May 1932 - 11 January 2013**

Na number di su querido Esposo:  
Nicolas Arambatzis Alexandri

Mayornan: + Madoei y +Emilio Martha

Yiunan: Lilian Rodriguez Arambatzis Esposo Freddy  
Robby Arambatzis  
Mayra Arambatzis  
+Victor Arambatzis Viuda Maria Teresa Irizarri  
Sandra Saavedra Arambatzis Esposo Ricardo  
Ana Arambatzis  
Ernesto Arambatzis

Nietonan:Natasha - Freddy – Sasha - Manuel  
Vanessa - Vensly  
Victor (Merca)  
Nicolas - Victoria (Merca)  
Alexandra - Jonathan (Chile)  
Cristian - Claudia (Venezuela)

Bisnietonan:  
Zacharias – Carolina – Isabela - Rebingkon

Rumannan:  
+Selma Martha Jacobs  
Lourdes Linders Martha Esposo Theo (Hulanda)  
Freddy Martha (Hulanda)  
Mildred Van der Aa Esposo Berrie  
Myrna Tromp Martha  
Judith Martha

Sobrino (a): Edmond Jacobs  
Roland Jacobs (Hulanda)  
Marcel Jacobs  
Alfonso Linders Esposa Sharline  
Huub Linders (Hulanda)  
Peter Linders (Hulanda)  
Elvin Martha (Hulanda)  
Graciela Martha (Hulanda)  
Ramon Van der Aa Esposa Claudette (Hulanda)  
Carlos Van der Aa Esposa Laura (Hulanda)  
Ramphis Tromp Esposa Vicky  
Myrlene Tromp yiu Jeandrick  
Manera Nieto (a) nan: Jose - Jessica -  
Rooselin - Rosemary  
Primo-Primanan: Na Aruba-Corsou  
Comer-Compernan-Ihanan: Aruba-Corsou-  
Venezuela  
Enfermera Personal: Paola Andrea Galeano  
Amiga y Amigonan Stima: Na Venezuela-Aruba-  
Miami y Holanda  
Famianan: Arambatzis-Rodriguez-Zedan-  
Smalley-Saavedra-  
Fernandez-Martha-Jacobs-Linders-  
Van der Aa-Tromp-Bryson-Croes-Irizarri-  
Mata y demás famia

Ta invita tur amigo-amiganan-bisiñanan-  
Grupo di Oracion Maria Rosa Mistica  
(Playa)-Famia di tur e  
muchanan cu e la cuida na Fundacion Cuidami  
Siñami y conocirnandeportistanan di RCA  
y Aruba Juniors  
pa asisti na e acto di despedida cual lo tuma  
lugar diamars 15 di januari 2013 na Aurora Funeral  
Home di 2’or pa 4’or di atardi.

Oportunidad pa condolencia lo ta diadomingo 13  
di januari 2013 di 6’or pa 8’or di  
anochi. Enbes di flor of krans un donacion pa un Bon Causa  
lo ta altamente aprecia  
E deseo di nos mama stima ta pa no bin na color pretu.



“Dios ta amor ..... y amor ta Dios,  
maske mi no ta na e mundo aki, tur dia lo mi ta banda  
Di boso Curazon, mi por stens di loke Señor ta hasi”  
Salmo 33



**Sarah Margaretha Maduro-Leest**  
**Na edad di 81 año**  
**\*23-12-1931 †10-01-2013**

Na number di su:

Casa: Jose Maduro

Yiunan: Russel Maduro  
Sra. vda. Beatrix Sint Jago-Maduro y  
yiunan

†Frenky Maduro y yiunan  
Miranda Maduro  
Robert Maduro y Sandra Marval  
y yiunan  
Angel Maduro  
Andresito y Belinda Maduro-Peña  
y yiunan  
Rita Maduro y Sunny Chandiramani  
y yiunan  
Anthonito Maduro y yiu  
Gregorio Maduro y yiu  
Angelina Maduro y Rafael Gross  
y yiunan

Nieta y nietonan: Melissa y Mitchell, Shereldine y Kim-  
berly, Rosandra y Cassandra, Alexandra, Kevin y Bren-  
dan, Dyane y Riteshka, Randell y Resef, Allan, Berlishka

Su preti wowo di cas: Jayden

Bisanieto (a )nan: Jayden, Christopher, Rosquiela

Mama: †Catharina Leest-Tromp  
Tata: †Cletano Leest

Rumannan: Aura Rodriguez-Leest y famia  
na Hulanda  
†Chidon Cameron-Leest y famia  
†Maria Franken-Leest y famia  
†Carmita De’Isle-Leest y famia  
†Capi y Chichi Leest-Werleman  
y famia

Swa y cuñanan: Luis Maduro y famia  
Basilio Maduro  
†Sixto y †Pina Maduro y famia  
Celedonia Kelly-Maduro

Comer y compernan, prima y primonan, ihanan, bisiña,  
amigo y conocirnan

Demas famia: Maduro, Leest, Tromp, Sint Jago, Marval,  
Peña, Chandiramani, Wiersma, Gross, Cameron, De’Isle,  
Franken, Werleman, Dirks, Schmidt, Kelly, Farro, Cof-  
fie, Henricus, Jacobs, Rodriguez, Ridderstaat, Gomez,  
Wolff, Figaroa, Everon, Dania, Rosa, Albertsz, Koolman,  
Croes, Wernet, Dirksen, Rasmijn y demas famia na Hu-  
landa, Curacao y Surinam.

Ex- miembronan di Kibrahacha

Ta invita pa asisti na e acto di entierro cual lo tuma lugar  
dialuna 14 di januari 2013 na Aurora Funeral Home di  
2’or pa 4’or di atardi despues saliendo pa Santana na Pla-  
ya, Boerhavenstraat.

Adres pa condolencia: Aurora Funeral Home, diasabra 12  
di januari 2013 di 7’or pa 9’or di anochi.

Nos ta lamenta cu despues di entierro nos no por ricibi  
bishita di condolencia na cas.

Nos ta pidi nos disculpa si den nos tristesa nos  
por a lubida algun familiar.





“Hesus a bisa e disipulan:  
Laga e muchanan bini cerca mi, no kita nan di bini,  
pasobra reino di Dios ta pertenesce na esnan manera nan.”  
Mateo 19:13-15

A bay sosega den braza di Señor nos angelito stima:



**Jerald Junior Berkley**  
mihor conoci como: “JJ”

Na number di su:

mama: Joyceline Boekhoudt

tata: Gerald Berkley  
rumannan: Ivan, Ivy  
welan: Annagaly Boekhoudt  
Gemma Lamper

welonan: Juan Boekhoudt  
Elias Berkley

bisawelonan: Pedro S.E. “Piet” Berkley

bisawelanan: Lucila Boekhoudt  
Maria Kock  
Olga Louise Does

Tanta y omonan: Joyce-Anne Boekhoudt y famia  
Johaila Boekhoudt  
Erica Henriquez y famia  
Jomar Boekhoudt  
Brian Berkley  
y demas tanta y omonan

primo y primanan, tanta y omonan grandi,  
coleganan di e mayornan na: Brickell Bay,  
Tomatoe Charlie  
famia: Berkley, Boekhoudt, Lamper, Pieternella, Dirksz,  
Croes, Maduro, Kock, Solognier, Jacopucchi, Does y de-  
mas famia ta invita tur amigo, bisiña y conoci pa asisti  
na e acto di entierro cual ta tuma lugar dialuna 14 januari  
2013 pa 3:30 di atardi saliendo for di the Olive Tree Fu-  
neral Home pa santana catolico “Pastor Kraanwinkel” na  
Paradera. E angelito lo ta reposa for di 2’or di atardi na the  
Olive Tree Funeral Home, Cumana.

Bernhardstraat 134-136 - San Nicolas - Tel 584 8888  
Avenida E.J. “Watty” Vos 44 - Oranjestad - Tel 5820000  
theolivetreefuneralhome@gmail.com  
www.theolivetreefuneralhome.com



Tel: 593-0857 / 588-6699 / 560-1403  
Fax: 588-6698

“The Lord is my shepard,  
I shall not want,  
He maketh me to lie down in green pastures.  
He leadeth me beside the still waters.  
He restoreth my soul”  
Psalm: 23:1, 2, 3

With deep sadness we announce the passing away of our  
beloved



**Emanuel Lewis**  
\*16-12-1952 †10-01-2013

Date and place of Funeral will be announced later

*Quota Club ta conscientisa grandi y chikito*

## Cuida bo oido durante temporada di Carnaval



**Sra. Yvy Simon, ilustrando mensahe di Quota den Bacchanal y  
Sr. Chibi van der Hans di revista Bacchanal**



**Marianne Arends representante di Valero y Gladys Kock  
Presidente di Quota**



**Sr. Papito Comenencia vocero  
Policial y Gladys Kock Presi-  
dente di Quota**

**ORANJESTAD** — Quota Club hunto cu un grupo di diferente instancia den comunidad ta conscientisa grandi y chikito ariba cuida di oido. Especialmente durante temporada di Carnaval, caminda musica duro ta wordo toca. Quota Club a yama un conferencia unda Service Director Stella Montsanto a splica con pa conscientisa e parti importante aki cu ta e cuida di nos oido.

“Durante e ultimo 25 añanan refinaria Valero a sa di sostene nos pa por haya earplugs y e aña aki esey tambe tabata e caso,” segun Ivy Simon di



**Sra. Asja Dongen vocero di  
WEB Aruba NV**

Marianne Arends di Valero a splica cu e apoyo di pueblo ta grandi pa Quota, cu ta haci cu Valero y WEB ta sigui contribui cu Quota.

Quota a haci entrego di earplugs na vocero Policial, Sr. Papito Comenencia, kende tabata hunto cu Comisario di Polis Sra. Trudy Hassell.

“Pa e ultimo añanan Quota ta entrega earplugs na Cruz Cora, ta importante pa e miembronan voluntario di Cruz Cora haci bon uzo di esaki. Ademas nan tin extra earplugs pa asina facilita tambe otro muchanan den parada cu no tin”, Papito Comenencia a bisa.

Tambe un acuerdo a wordo cera entre Quota y Sr. Chibi van der Hans di revista Bacchanal cu lo coopera pa Quota su mensahe di conscientizacion tambe haya un espacio den e revista.

Finalmente, Sra. Gladys Kock, Presidente di Quota a gradici tur miembro di Prensa, Valero, WEB, Bacchanal pa nan cooperacion y a bisa cu e earplugs nan ta wordo bendi na 1,00 florin durante paradanan di Carnaval y e placa cu ta wordo recauda lo wordo duna bek na comunidad. □



**Sra. Yvy Simon di Quota Club**



**DOCTOR**  
**na WARDA**  
**ORANJESTAD**  
**14 January**  
**Dr. v/d Linde**

**Botica na warda**  
**ORANJESTAD:**

**Botica Oduber Tel: 582-1780**

**SAN NICOLAAS:**

**Botica San Nicolas Tel: 584-5712**

**Police**

Police 581-1100  
Oranjestad 582-4000  
Noord 587-0009  
Sta. Cruz 585-4710  
Savaneta 584-7000  
San Nicolas 584-5000

**Emergency Numbers**

Emergency 911  
Police 100  
Fire Dept. 115  
Fire Dept. II 582-1108  
Police Tipline 11141  
Hospital 527-4000

**Oranjestad**

Ambulance 582-1234  
Police 582-4000

**San Nicolas**

Ambulance 584-5050  
Police Station 584-5000  
BGD San Nicolas 584-1606  
Valero Security 584-1720

**Services**

Information 118  
Setar 582-5151  
Taxi 582-2116  
Taxi- Tas 587-5900  
Profesional Taxi 588-0035  
Taxi D.T.S. 587-2300  
Service Aruba 583-3232

**CRUISE SHIP**



Jan. 14 Horizon  
Jan. 15 Eclipse

**Funeraria's**

AD Patres 584-2299  
Aurora 588-6699  
Mementomori 583-3358  
The Olive Three 584-8888

**Foundation Fellowship Clinic**

Tel: 584-6440  
Alcoholism & Drug Addiction,  
Anonymity guaranteed

**Foundation Anti-Droga Aruba**

(FADA) Tel: 583-2999

**Foundation Respetami**

Tel: 582-4433

**Diabetic Foundation**

Arubano

Tel: 583-3808

**Narcotics Anonymous**

Tel: 583-8989

**Foundation Amor pa Prohimo**

Tel: 583-3354 / 586-6976

**Women in Difficulties Foundation**

Tel: 583-5400

**RESULTADO LOTTO PA DEPORTE**

LOTTO 5: 12 34 35 02 06 H 30

12 Januari 2013

**TIC TAC TOE**  
**16-17-02-09-21-15-08**

**CAT&CHI** 7127 6050 2967  
**BIG 4** 7770  
**ZODIAC** 0169 Gemini

**DIARIO** 2916 5098 3902  
**KORSOU** 2151 4476 7670  
**Super** 4647

**LOTTO DI DIA** 05-10-26-22-17

13 Januari 2013

**TIC TAC TOE**  
**02-13-05-12-11-21-09**

**CAT&CHI** 8366 5309 8720  
**BIG 4** 9793  
**ZODIAC** 4230 Acuario

**DIARIO** 6368 8004 8015  
**KORSOU** 6001 9463 2043  
**Super** 1089

**Alexander** Bo cadena di number di suerte  
ta presenta resultado di awe

**Sto. Domingo**

**LOTTO DI DIA** 06-09-13-17-20

**MINI MEGA** 10 26 28 30 07  
Mini Mega

**3 Million in prices** Januari 5 2013  
8-19-21-23-36-40-x4

**MEGA MILLIONS** 47 Million in prices Januari 4 2013  
1-2-23-25-55 » 39

**HOROSCOPO**

**Aries** March 22 - April 20

Lo bo haci bon negoshi y compra pa e periodo aki. Lo bo sinti bo mes mas inspira sentimentalmente door un pareha di amante cu ta mantene nan pasion bibo. Numbernan p'awe: 11, 13, 26 y 38.

**Taurus** April 21 - Mei 21

Bo ta haya y disfruta di amor cu tanto bo ta merece. E relacion cu bo ta bibando ta marcha bon. No lag'e bay perdi cu sospecha ni desconfiansa. Numbernan p'awe: 27, 33, 41 y 48.

**Geminis** Mei 22 - Jun 22

Tin un otro onda di renobacion intenso dentro di bo bida afectivo. Pone bo capacidad intelectual traha y laga rason guia bo pasionan. Aunke tin dificultad, enfrenta nan. Numbernan p'awe: 9, 11, 24 y 38.

**Cancer** Jun 23 - Jul 22

Bo bida amoroso ta crece y lo revitalisa. E influencianan planetario cu ta envolbebo lo yudabo defini bo mes sentimentalmente y ponebo riba e caminda corecto. Numbernan p'awe: 14, 23, 21 y 28.

**Leo** Jul 23 - Aug 23

Lo bo diferencia entre berdad y mentira. Nan no lo por gañabo. Mientras cu bo no confundi constancia cu terkedad, nada tristo lo pasa den bo relacion. Numbernan p'awe: 3, 16, 27 y 38.

**Virgo** Aug 24 - Sept 23

Un situacion complica lo keda resolvi. Felizmente bo ta den un tono receptivo y noticianan cu ta yegando ta bon, aunke inicialmente bo ta desconcentra un tiki. Numbernan p'awe: 14, 13, 27 y 48.

**Libra** Sept 24 - Oct 23

Lo bo Sali bon di un conversacion dificil. Purba di distrae bo mes awe nochi cu famia of bon amigonan y mantene e comunicacion atraves di distancia. Numbernan p'awe: 9, 13, 27 y 38.

**Scorpio** Oct 24 - Nov 22

Tin un biahe cu pronto lo ta na caminda. Awo a cuminsa cu un etapa feliz y den bo panorama afectivo lo nace compromisonan amoroso, pareha y unionnan liber di tur tipo. Numbernan p'awe: 17, 13, 31 y 51.

**Sagitario** Nov 23 - Dec 21

Lo bay tin un etapa di realisacionnan sentimental. No decai den bo entusiasmo aunke ta parce negativo. Bo signo ta spontaan, jovial y optimista. No perde e frescura ey. Numbernan p'awe: 7, 19, 28 y 38.

**Capricornio** Dec 22 - Jan 20

No laga bo mes influi pa comentarionan. Amor y bida ta rekeri un actitud mas fresco di bo parti pa bo por disfruta integralmente y no laga bo mes envolbe pa nada negativo. Numbernan p'awe: 5, 11, 21 y 38.

**Aguarius** Jan 21 - Feb 18

Luna den bo signo, cuidao cu papelnan cu bo firma y palabranan cu bo ta bisa. Probecha e energia di bo planeta Urano, directo pa disfruta bida den su totalidad. Numbernan p'awe: 3, 15, 21 y 42.

**Pisces** Feb 19 - Mar 20

Prepara bo mes pa ricibi sorpresanan grato. Trata di tur manera pa compronde bo pareha y miho y lo bo wak con bo realidad sentimental ta adkiri calidad. Numbernan p'awe: 4, 16, 25 y 54.





## Edilienne Tromp a keda corona como Reina Infantil di Noord



Cu un sonrisa riba cara Edilienne a sali padilanti como Reina Infantil di Noord.



Reina Infantil di Noord, Edilienne Tromp den compania di Prins Gangam y Pancho Style.



Momento cu a scoge e prome finalista.



Riba escenario di Centro di Bario Noord por mira e nervio entre e hobencitanan. Ken lo bira reina?

Den un Centro di Bario Noord bastante yen, e publico presente a cera conoci cu nan reina Infantil cu lo bay representa e bario den Eleccion di Reina Infantil pa Aruba su Carnaval. El'a keda den persona di e hobencita Edilienne Tromp.

Como prome finalista a keda Keylie Ann Eckmeyer, 2da finalista Isis Maduro, 3era finalista Raynoushka Wever y di 4 finalista Mary Ann Correa.

Edilienne lo bay habri e parada di Mucha na Noord cu lo bay tuma luga diasabra, dia 2 di februari proximo. □

## Zue-Jean Croes a bira Reina Infantil di Dakota



Simultaneamente cu e eleccion di Reina Infantil di Noord, a tuma luga esun di e distrito di Dakota. E resultadonan ta como lo siguiente. Prome



finalista a keda den persona di Oriana Perez y como segunda finalista a keda Daryleen Wever. Como Reina Infantil di Dakota a keda corona Zue-Jean Croes. □



Hunto cu prome finalista Oriana Perez.





## Queen Izi y King Size ta Calypso y Roadmarch Monarchs Infantil y Hubenil



Diasabra ultimo a tuma luga e festival di Calypso y Roadmarch infantil y hubenil. E resultadonan ta como lo siguiente:  
 Rookie: Jayleen Croes, Princess Jay.  
 Popular: Izellah Ruiz, Queen Izi.  
 Best Costume: Tashanira Ras-mijn "Tasha Style"  
 Den di 3er luga a keda Priscilla Quandt, Lady Shake It Up cu su

cancion Shake With Me.  
 Na 2do luga a keda Jayleen Croes, Princess Jay, cu su cancion Hunto Cumi.  
 Ganado di Roadmarch Infantil tabata Izellah Ruiz, Queen Izi, cu su cancion Push Back. Queen Izi tambe a sobresali den Calypso cu su cancion I Love Aruba y a keda corona como Calypso Queen.  
 Pa loke ta e categoria Hube-

nil, Joshua Bryson, King Size, a keda corona como Calypso King cu su cancion Ay Ki mi ta worry.

King Size tambe a keda corona como Roadmarch King cu su cancion 59 Hit The Floor. Un pabien na e ganadonan. Riba e combinacion di foto por tira un bista riba e show cu a tuma luga den Joe Laveist. □

## 7 banda y 19 cantante lo participa den Festival di Tumba 2013

Diabierna anochi tabata un anochi hopi ameno na Hofi Chona, caminda participantenan pa Festival di Tumba 2013 a reuni pa asina inscribi y saca lot entre nan.  
 Tin un total di 7 banda y 19 cantante cu lo bay participa den e festival.  
 Pa awor aki tin lista di e bandanan cu lo bay par-

ticipa cu ta como lo siguiente:

1. Pleasure cu 3 cantante
2. Papito y Biba Lekker Band cu 1 cantante
3. Takla cu 2 cantante
4. Rincon Boyz cu 3 cantante
5. D'licious cu 6 cantante
6. Zeta band cu 1 cantante

7. Robert y SBS cu 3 cantante

Comision di Tumba kier recorda tur cantante, cu tur informacion di e letra nan mester wordo entrega prome cu diabierna 18 januari 2013 na oficina di SAC.

Despues di dia 18 januari 2013 no lo haci cambio mas. □





*Mas di mil mucha tabata riba pia den e ballonenoptocht na San Nicolas*

**Pa 1or di merdia, e Parada di Blaas a sali for di Joe Laveist Ballpark y ta tuma mesun ruta cu Parada di Mucha di San Nicolas**



Pa di 17 aña consecutivo Magaly Regales, Janine Rodriguez, Alexander Chong hunto ta forma e comite organisado bou nomber di Kisha Fantasy cu tin e tarea pisa di organisa e parada pero tambe e parada di luz na San Nicolas.

TBS Brassband a habri e parada manera ta tradicion. Siguiyemente a haya TOB cu Youth Xtreme & Upgrade Music hunto cu 350 mucha. Grupo 2 ta Deja Kids & Jolly Kids compaña pa X-Lanz cu 200 mucha. Grupo Nos Futuro ta grupo nr. 3 cu 250 compaña pa NBO. Little Groovers ta e ultimo grupo cu 200 mucha y ta wordo compaña pa Le Groove.

Last Lap Band tabata den man di Eruption Band.

Parada di Blaas ta un tradicion di San Nicolas cu a cuminsa cu poco mucha, pero cu a sigui crece segun añanan a pasa. Aunke esaki ta un di e poco biahnan cu e parada aki tin asina poco grupo.







**Continuacion di Pagina 31**

Ta sinti falta di Champagne, pero tambe scolnan cu tur aña ta participa den e paradanan. E falta no tin nada di haber cu e organisacion, pero mas bien cu e preparacionnan cu ya caba a cuminsa pa Carnaval 60.

Pa loke ta e Parada di Luz San Nicolas ya caba tin gruponan cu a confirma nan participacion. Riba combinacion di potretnan por mira e ambiente cu a reina durante di e parada di Blaas na San Nicolas di ayera merdia. □

